



光緒順天府志

人物志
雜人
下上

ル 5
1481
51





人物志十四

光緒順天府志一百四

雜人上

南海廖廷相纂江陰繆荃孫覆輯

戰國

蔡澤

田

光秦舞陽
高漸離

漢

衛滿

王恢

意陽球

三國魏

劉放

梁

張纘

後魏

皮豹子

公孫質

子遂

盧

同

兄靜



盧道虔

盧元明

北齊

盧文偉

平鑿

陽休之陽昭

北周

寇洛

唐

盧藏用

劉忬子濟

盧憇

盧徵

高霞寓

盧攜

後梁

馬慎交

高邵

後唐

元行欽

王緘

周知裕

後晉

盧導

曹國珍

後漢

李殷

劉晞立劉泰直劉在明

王保義

後周

盧損

王進

前蜀

盧延讓

經有雜記子有雜家雜者駁而不純之謂歐陽永叔撰五代史記別立雜傳一門今仿其例於庸碌無能之輩而事蹟較多於才猷自許之人而瑕瑜互見者皆彙而存之以別於先賢鑒誠云爾志

雜人

秦

蔡澤燕人也游學于諸侯小大甚眾不遇而從唐舉相舉孰視而笑曰先生曷鼻巨肩集解徐廣曰曷一作渠魑顏蹙膝徐廣曰一作率吾聞聖人不相殆先生乎澤知唐舉戲之乃曰富貴吾所自有吾所不知者壽也願聞之舉曰先生之壽從今以往者四十三歲澤笑謝而去之趙見逐之韓魏遇奪釜鬲史記列傳於涂聞應侯任鄭安平王稽皆負罪應侯內慙乃西入秦戰國策五應侯者魏人范雎先為相魏齊僂辱詳死得出鄭安平操亡伏匿秦使謁者王稽於魏安平與約載雎入秦昭王拜為相封應侯雎既相言於昭王拜王稽為河東守任鄭安平為將軍昭王後五年用應侯謀大破趙已而與武安君有隙言而殺之任鄭安平擊趙為趙圍急以二萬人降

趙王稽為河東守與諸侯通坐法誅應侯日以不懌史記范昭王

臨朝而歎曰今武安君死而鄭安平王稽等皆畔內無良將外多

敵國吾是以憂應侯懼不知所出資治通鑑六澤使人宣言以感怒應

侯曰燕客蔡澤天下駿雄宏辯之士也彼一見秦王秦王必相之

而奪君位國策五應侯使人召之澤見應侯禮又倨應侯不快因讓

之曰子宣言欲代我相請問其說澤曰吁君何見之晚也夫四時

之序成功者退君獨不見夫秦之商君楚之吳起越之大夫種何

足願與應侯謬曰何為不可此三子者義之至忠之盡君子有殺

身以成名死無所恨澤曰夫人立功豈不期於成全邪名身俱全

者上也名可法而身死者次也名僂辱而身全者下也君之怨已

讎而德已報意欲至矣而無變計竊為君危之資治通鑑六君何不以

此時歸相印讓賢者授之長為應侯孰與以禍終哉國策應侯曰善

敬受命乃延入坐為上客後數日入朝言於秦昭王曰客新有從

山東來者曰蔡澤其人辯士明於三王之事五霸之業世俗之變

足以寄秦國之政臣之見人甚眾莫及臣不如也史記列傳昭王召見

與語大悅之拜為客卿應侯因謝病免相昭王新悅澤計畫拜為

相東收周室澤相秦王數月人或惡之懼誅乃謝病歸相印號為

剛史記作網成君成君居秦十餘年昭王孝文王莊襄王卒事始皇帝策國

五文信侯欲攻趙以廣河間使澤事燕三年而燕太子質於秦策國

七

燕

田光燕處士荆軻至燕光善待之知其非庸人也會燕太子丹質

秦亡歸求報秦問其傅鞠武鞠武曰有田光先生其為人智深而

勇沈可與謀史記刺客傳太子曰願因太傅交於田先生鞠武敬諾出

見田光道太子願圖國事田光乃造焉太子跪而逢迎卻行為道

跪而拂席國策三十一坐定太子曰丹嘗質於秦秦遇丹無禮日夜焦

心思欲復之論眾則秦多計強則燕弱欲合從心復不能常願先

生圖之光曰臣聞騏驥盛壯之時一日而馳千里及其衰也駑馬

先之今太子聞光壯盛之時不知吾精已消亡矣策國欲為太子良

謀則太子不能欲奮筋力則臣不能燕丹子案國策史記刺客

下策光之為丹畫亦以丹之不能用其良謀不得已而雖然光不

敢以乏國事也策國竊觀太子客無可用者夏扶血勇之人怒而面

赤宋意脈勇之人怒而面青武陽骨勇之人怒而面白光所知荆

軻神勇之人怒而色不變為人不拘小節欲立大功太子欲圖事

非此人莫可燕丹子太子曰願因先生得交於荆軻光敬諾即起趨

出太子送至門戒曰丹所報先生所言者國之大事也願先生勿

泄也光俛而笑曰諾僕行見荆軻曰光與子相善燕國莫不知今太子聞光壯盛之時不知吾形已不逮也幸而教之曰燕秦不兩立願先生留意也光竊不自外言足下於太子願足下過太子於宮荆軻曰謹奉教光曰光聞長者之行不使人疑今太子約曰所言者國之大事願勿泄是疑光也夫為行使人疑之非節俠士也遂自剄而死國策按燕丹子作吞舌荆軻遂見太子言田光已死致光之言太子再拜流涕而言曰丹所以戒田先生勿言者欲以成大事也今田先生以死明不言豈丹之心哉史記刺客傳秦武陽燕國勇士年十二史記作十三殺人人不敢忤視荆軻使秦武陽為副國策荆軻愛燕之善擊筑者高漸離日與飲於燕市至易水既祖道高漸離擊筑荆軻和而歌為變徵之聲士皆垂涕泣秦王既殺荆軻高漸離變名姓為庸保匿作宋子久之作苦聞其家堂上客擊筑傍徨不能

去每出言曰彼有善有不善從者以告其主曰彼庸乃知音竊言是非家人召使前擊筑一坐稱善賜酒高漸離乃退出其匣中筑與其善衣更容貌而前坐客皆驚下與抗禮以為上客使擊筑而歌無不流涕而去者宋子傳客之聞於秦始皇始皇召見人有識者乃曰高漸離也秦皇帝惜其善擊筑重赦之乃矐其目使擊筑未嘗不稱善稍益近之高漸離乃以鉛置筑中復進得近舉筑朴秦皇帝不中於是遂誅史記刺客傳

漢

衛滿燕人漢紀十四史記朝鮮傳作朝鮮王滿不著其姓索隱云案漢書滿燕人姓衛攷漢書朝鮮傳無姓衛之文惟後漢書及三國志東夷傳有之當本諸漢紀高帝十二年史記高紀燕王盧綰反入匈奴滿

亡命聚黨千餘人魑結蠻夷服而東走出塞渡沮水史記朝鮮傳詣朝鮮王準降信寵之拜為博士賜以圭封之百里令守西邊滿誘亡

黨眾稍多乃詐遣人告準言漢兵十道至求入宿衛遂還魏志東夷傳注

及故燕齊亡在者王之都王險會孝惠高后時天下初定遼東太

守即約滿為外臣保塞外蠻夷無使盜邊蠻夷君長欲入見天子

勿得禁止以聞上許之以故滿得以兵威財物侵奪其旁小邑真

番臨屯皆來服屬方數千里傳子至右渠所誘漢亡人滋多又未

嘗入見漢書朝鮮傳真番旁眾國欲上書見天子久擁闕不通元封二

年漢使涉何譙諭右渠終不肯奉詔何去至界上使御刺殺逆何

者朝鮮裨王長即渡入塞歸報天子曰殺朝鮮將上拜何為遼東

東部都尉朝鮮怨何發兵襲殺何天子募罪人擊朝鮮其秋遣樓

船將軍楊僕從齊海浮兵五萬人左將軍荀彘出遼東討右渠右

渠發兵距險天子為兩將未有利乃使衛山因兵威往諭右渠右

渠見使者頓首謝願降遣太子謝方渡沮水疑復引歸右渠遂堅

守城兩軍急擊朝鮮元封三年夏尼谿相參使人殺右渠降王險

城未下右渠大臣成已復反左將軍使右渠子長誅成已遂定朝

鮮史記朝鮮傳以其地為樂浪臨屯元菟真番郡漢書武紀封長史記漢書表作張略

為幾侯史記朝鮮傳六年使朝鮮謀反格死漢書孝武功臣表

王恢燕人數為邊吏習知胡事史記韓長孺傳孝武建元五年為大行令

聞上遣恢出豫章大農韓安國出會稽皆為將軍兵未踰嶺閩越

王弟餘善殺王使使奉其頭致大行大行曰所為來者誅王今王

頭至謝罪不戰而耘利莫大焉乃以便宜案兵告大農軍而使使

奉頭馳報天子詔罷兩將兵史記東越傳匈奴來請和親上下其議恢

曰漢與匈奴和親率不過數載即背約不如勿許舉兵擊之韓安

國曰千里而戰即兵不獲利今匈奴負戎馬足懷鳥獸心遷徙鳥

集難得而制得其地不足為廣有其眾不足為彊自上古弗屬漢

數千里爭利則人馬罷虜以全制其敵勢必危殆臣以為不如和

親羣臣議多附安國於是上許和親漢書韓安國傳其明年馬邑豪聶翁

壹索隱聶姓也翁壹名也漢書云聶壹因恢言上曰匈奴初和親親信邊可誘以利

史記韓長孺傳上迺召問公卿恢議臣以為因單于之欲誘而致之邊選

梟騎壯士陰伏而處以為之備審遮阻險以為其戒單于可禽百

全必取上從恢議漢書韓安國傳陰使聶翁壹亡入匈奴謂單于曰吾能

斬馬邑令丞吏以城降財物可盡得史記韓長孺傳單于愛信之令歸為

間壹乃詐斬死罪囚頭懸邑城上以示單于使者使者還單于乃

歸將十萬騎入武州塞漢紀十一是時漢伏兵車騎材官三十餘萬匿

馬邑旁谷中恢為將屯將軍別從代主擊輜重史記韓長孺傳單于入漢

塞未至馬邑百餘里見畜布野而無人牧者怪之乃攻亭雁門尉

史行微見寇葆此亭知漢兵謀單于得欲殺之尉史乃告單于漢

兵所居單于大驚乃引兵還史記匈奴傳漢兵追至塞度弗及即罷恢

聞單于不與漢合度往擊輜重必與單于精兵戰勢必敗則以便

宜罷兵皆無功史記韓長孺傳上怒恢不出擊單于輜重也恢曰始約為

入馬邑城兵與單于接而臣擊其輜重可得利今單于不至而還

臣以三萬人眾不敵祇取辱固知還而斬然完陛下士三萬人於

是下恢廷尉廷尉當恢逗橈當斬漢書韓安國傳時武安侯田蚡為丞相

恢私行千金蚡不敢言上而言於太后曰王恢首造馬邑事今不

成而誅恢是為匈奴報仇也上朝太后太后以丞相言告上上曰

首為馬邑事者恢也故發天下兵數十萬從其言為此且縱單于

不可得恢所部擊其輜重猶可願以慰士大夫心今不誅恢無以

謝天下於是恢聞之乃自殺史記韓自是之後匈奴絕和親匈奴

陽球字方正漁陽泉州人也家世大姓冠蓋球能擊劍習弓馬性

嚴厲好申韓之學郡吏有辱其母者球合數十人殺吏滅其家由

是知名初舉孝廉補尚書侍郎閑達故事其章奏處議常為臺閣

所崇信出為高唐令以嚴苛過理郡守收舉會赦見原辟司徒劉

寵府舉高第後漢書列傳九江山賊起劫刺史球以太尉掾按劉寵傳

徒太尉球辟劉寵府故并為太尉掾也為九江太守設方略即時摧破誅鋤豪強郡

中累足後漢紀二十四遷平原相後漢紀作甘陵相案球出教言前荏高

郡若甘陵則屬清河郡紀誤今從傳出教蠲愆咸畏服焉時天下大旱司空張顥奏

長吏苛酷貪污者皆罷免球坐嚴苦徵詣廷尉當免官靈帝以球

九江時有功拜議郎遷將作大匠坐事論頃之拜尚書令後漢書列傳

光和元年置鴻都門學生後漢靈帝紀詔中尚方為鴻都文學樂松江

覽等三十二人圖象立贊以勸學者通鑑五十七球諫曰臣案松覽等

皆出於微蔑斗筭小人依憑世戚附託權貴俛眉承睫微進明時

或獻賦一篇或烏篆盈簡而位升郎中形圖丹青亦有筆不點牘

詞不辯心假手請字妖偽百品莫不被蒙殊恩蟬蛻滓濁是以有

識掩口天下嗟歎臣聞圖象之設以昭勸戒欲令人君動鑒得失

未聞豎子小人詐作文頌而可妄竊天官垂象圖素者也今太學

東觀足以宣明聖化願罷鴻都之選以消天下之謗書奏不省初

黃門令王甫大長秋曹節專權任勢後漢紀二十四球嘗撫髀發憤曰若

陽球作司隸此曹子安得容乎光和二二年選為司隸校尉後漢書列傳

甫使門生王翹楊彪傳注於郡界辜權官財物七千餘萬京兆尹

楊彪發其姦言之司隸後漢書楊彪傳王甫休沐里舍球詣闕謝恩奏收

甫及中常侍淳于登袁赦封翊中黃門劉毅小黃門龐訓朱禹齊
盛等及子弟為守令者姦猾縱恣罪合滅族太尉段熲諂附佞倖
并宜誅戮於是悉收甫熲等送洛陽獄及甫子長樂少府萌沛相
吉球自臨考甫等五毒備極箠朴交至甫萌父子悉死杖下熲亦
自殺乃僵磔甫屍於夏城門大署榜曰賊臣王甫盡沒入財產妻
子皆徙比景後漢書球勅都官從事曰先舉權貴大猾乃議其餘
耳公卿豪右若袁氏兒輩從事自辦之何須校尉邪於是權門股
慄京師肅然球誅甫後欲收曹節節不敢出沐後漢紀二十四時順帝虞
貴人葬百官會喪還曹節見磔甫屍道次慨然投淚曰我曹自可
相食何宜使犬舐其汁乎語諸常侍今且俱入勿過里舍也節直
入省白帝曰陽球故酷暴更不宜使在司隸以騁毒虐帝乃徙球
為衛尉時球出謁陵節勅尚書令召拜不得稽留尺一球被召急

因求見帝叩頭曰臣無清高之行橫蒙鷹犬之任前雖糾誅王甫
段熲蓋簡落狐狸未足宣示天下願假臣一月必令豺狼鳴梟各
服其辜叩頭流血殿上呵曰衛尉扞詔邪至於再三乃受拜後漢書
傳長樂少府陳球以書勸司徒劉郃表徙球為司隸校尉以次收
節等誅之尚書劉納亦深勸郃郃結謀陽球球小妻程璜之女璜
用事宮中所謂程大人者也節等頗聞知乃重賂璜且脅之璜懼
迫以球謀告節節因誣誣字據白帝郃等與藩國交通謀議不軌
帝大怒後漢書陳球傳收球送洛陽獄誅死妻徙邊後漢書初球為將作
大匠與蔡邕叔父衛尉質有隙會邕章奏洩露程璜遂使人飛章
言邕質私事請託欲從中下邕質獄詔減死徙朔方球使客追路
刺邕客感其義皆莫為用球又賂其部主使加毒害所賂者反以
其情戒邕故得免後漢書蔡邕傳重文橫入窮怒所遷亦云酷矣後漢書
酷吏傳

論

三國魏

劉放字子棄

魏志列傳

涿郡方城人

通鑑七十
四胡注

漢廣陽順王子西鄉侯

宏後也歷郡綱紀舉孝廉遭世大亂時漁陽王松據其土放往依之太祖克冀州放說松投身委命厚自結納松然之會太祖討袁譚於南皮以書招松松舉雍奴泉州安次以附之放為松答太祖書其文甚麗太祖既善之又聞其說由是遂辟放建安十年與松俱至乃以放參司空軍事歷主簿記室出為郃陽役羽贊令魏國既建為祕書郎文帝即位轉左丞數月徙為令黃初初改祕書為中書以放為監加給事中賜爵關內侯遂掌機密魏志列傳事無不綜裴三年進爵魏壽亭侯明帝即位加散騎常侍進爵西鄉侯尤見寵任魏志列傳每有大事朝臣會議常令決其是非放善為書檄三祖

詔命多放所為青龍初孫權與諸葛亮連和候得其書放乃改易其詞與征東將軍滿寵若欲歸化封以示亮亮騰於吳大將步騭騭以見權懼亮自疑深自解說是歲加侍中大夫景初二年遼東平定以參謀功進封本縣方城侯其年帝寢疾欲以燕王宇為大將軍及領軍將軍夏侯獻武威將軍曹爽屯騎校尉曹肇驍騎將軍秦朗共輔政魏志列傳放久典機任獻肇心內不平殿中有雞棲樹二人相謂此亦久矣其能復幾放懼裴注引因圖間之舉爽代字又白召宣王使相參執帝手強作詔齎出大言曰詔免燕王等官不得停省中于是宇肇獻朗相泣歸第明帝紀注引漢晉春秋宇性恭良陳誠固辭云云陳壽當晉世作魏志若言效資本情則於時非美故遷就為之諱也今不取裴松之云放資稱贊曹爽勸召宣王魏室之亡禍基於此齊王即位以決定大謀增邑三百并前千一百戶封愛子一人亭侯次子騎都尉餘子皆郎中正始元年更加左光

祿大夫金印紫綬儀同三司六年轉驃騎將軍領監如故七年復

封子一人亭侯魏志九年遜位以列侯就第位特進魏志三少帝紀嘉平

二年薨諡曰敬侯子正嗣魏志正弟許字文生文詞可觀意思詳

序晉惠帝世為越騎校尉與張華六人並稱裴注放善承主意又未

嘗顯言得失抑辛毗而助王思以是獲譏於世辛毗傳放見信於

莫不交好毗不與往來允從僕射畢軌言尚書僕射王思精勤舊

吏忠亮計畧不如辛毗毗宜代思帝以訪放放對曰陛下用思者

誠欲取其効力不貴虛名也毗實亮直然時因羣臣諫諍扶贊其

義并時密陳損益不專導諛言云及咸熙中開建五等以放著勳

前朝改封正方城子魏志

張纘字伯緒梁書附車騎將軍宏策子張纘出後從伯宏籍宏籍

高祖舅也梁書附宏籍字真藝齊初為鎮西參軍高祖踐阼追贈穆

之光祿大夫宏籍廷尉卿梁書張纘年十一尚高祖第四女富陽

公主拜駙馬都尉封利亭侯召補國子生起家祕書郎時年十七

身長七尺二寸眉目疏朗神采爽發高祖異之嘗曰張壯武之後

八葉有逮吾者其此子乎梁書性愛山泉頗樂閑曠藝文類聚六十五引謝東

宮資園啟時昭明尚幼未與臣僚相接高祖敕祕書郎張纘親表英華朝

中髦俊可以師友事之梁書王纘好學兄緬有書萬餘卷披讀不

輟祕書郎有四員宋齊以來為甲族起家之選待次入補其居職

例數十日便遷纘固求不徙欲遍觀閣內圖籍嘗執四庫書目曰

若讀此畢南史列傳嘗作帝若作君疑誤可言優仕矣如此三載方遷太子舍人

轉洗馬中舍人兼掌管記纘與琅邪王錫齊名梁書普通初魏使

劉善明來聘敕使中書舍人朱异接之善明謂异曰王錫張纘北

間所聞云何可見异具啟敕即使於南苑設宴善明造席遍論經

史兼以嘲謔續錫隨方酬對無所稽疑未嘗訪彼一事善明深相

歎揖曰不有君子安能為國梁書王續時年二南史十三累遷太

尉諮議參軍尚書吏部郎俄為長史兼侍中時人以為早達河東

裴子野曰張吏部在喉舌之任已恨其晚矣子野性曠達自云年

出三十未嘗詣人初未與續遇便虛相推重梁書每討論墳籍咸

折衷焉梁書裴子野傳大通元年出為甯遠華容公長史行琅邪彭城二

郡國事二年仍遷華容公北中郎長史南蘭陵太守加貞威將軍

行府州事三年入為度支尚書母憂去職服闋出為吳興太守省

煩苛務清淨民吏便之梁書大同二年梁書武紀附傳作三年

徵為吏部尚書後門寒素皆見引拔不為貴要屈意人士翕然稱

之梁書續負其才氣無所與讓南史張宏策附傳案南史此下

所聞異辭今不取五年為尚書僕射梁書武紀初續與參軍何敬容意趣不協

敬容居權軸賓客輻輳有過詣續者輒拒不前曰吾不能對何敬

容殘客及是遷為讓表讓字據南史補曰自出守股肱入尸衡尺可以仰

首伸眉論列是非者矣而寸衿所滯近蔽耳目淺深清濁豈有能

預加以矯心飾貌酷非所閑不喜俗人與之共事此言以指敬容

也在職議南郊御乘素輦適古今之衷又議印綬官備朝服宜並

著綬時並施行九年遷宣惠將軍丹陽尹未拜改使持節都督湘

桂東甯三州諸軍事湘州刺史南史續出湘鎮邵陵王綸餞之南

人云云言其輕傲事不近情今不取述職經途作南征賦梁書至州務公平南史停

遣十郡尉勞解放老疾吏役及關市戍邏先所防人一皆省併州

界零陵衡陽等郡有莫徭蠻者依山險為居歷政不賓服因此向

化在政四年流人自歸戶口增十餘萬州境大安梁書晚頗好積

聚多畜圖書數萬卷他物稱是南史附傳太清二年徵為領軍梁書附傳俄

改雍州刺史

南史附傳 案梁書言改授使持節都督雍梁北秦

蠻校尉攷元帝紀太清元年徙為使持節都督荆雍湘司鄧甯梁

南北秦九州諸軍事則雍梁北秦已為湘東王所督不得又令纘

督也且下云王素纘部下遣纘向襄陽則雍為

湘東所督無疑南史祇言改雍州刺史較確 初聞邵陵王綸當

代已為湘州其後更用河東王譽纘素輕少王州府侯迎及資待

甚薄王深銜之及至州遂託疾不見纘仍檢括州府庶事留纘不

遣

梁書附傳會聞侯景寇建鄴湘東王與譽各率所領入援臺湘東與

纘有舊纘將因之以斃譽兄弟屬侯景請和詔罷援軍譽自江口

將旋湘鎮欲待湘東至謁督府方還州纘乃貽湘東書曰河東戴

檣上水欲襲江陵岳陽在雍共謀不逞湘東信之乃鑿船沈米斬

纘而歸荆湘因搆嫌隙纘尋棄其部曲單舸赴江陵湘東遣使責

讓譽索纘部下

南史附傳既至仍遣纘向襄陽前刺史岳陽王譽推遷

未去鎮但以城西白馬寺處之

梁書附傳警猶總軍府之政聞臺城陷

遂不受代

通鑑百六十二州助防杜岸給纘曰觀岳陽不容使君使君素

得物情若走入西山舉義事無不濟纘以為然因與岸盟乃要雍

州人席引等於西山聚眾乃服婦人衣乘青衣布輿與親信十餘

人奔引等

南史附傳岸反以告警仍遣岸帥軍追纘

南史言警令中兵

觀下赴期云云則尹纘眾望岸軍大喜謂是赴期既至即執纘并

正等當為岸所帥也

其眾俘送之始被囚繫尋又逼纘剃髮為道人

載纘隨後逼使為檄固辭以疾

南史附傳及軍退敗行至澧水南防守

者慮追兵至遂害之棄尸而去時年五十一

梁書附傳纘苟懷私怨搆

隙瀟湘遂及禍於身非由忠節繼以江陵淪陷實萌於此

梁書附傳風

格若此而為梁之亂階惜乎

南史傳論元帝承制贈侍中中衛將軍開

府儀同三司諡簡獻公纘有識鑒自見元帝便推誠委結及元帝

即位追思之嘗為詩序曰簡獻之為人也不事王侯負才任氣見

即位追思之嘗為詩序曰簡獻之為人也不事王侯負才任氣見

余則申旦達夕不能已已懷夫人之德何日忘之案南史傳末言

產悉留江陵性既貪婪南中貨貨填積及死湘東王皆使收之書

二萬卷并連還齊珍寶財物悉付庫以糶蜜之屬還其家云云觀

詩序相東於續眷眷不忘豈忍為之况續以單舸奔江陵何可言

資產悉留賁賄填積通鑑言湘東厚資續赴鎮續雖好積聚亦可

見其無餘矣南史好采續著鴻寶一百卷文集二十卷隋志著錄

瑣言碎事今皆不取次子希文字子顏早知名選尚太宗第九女海鹽公主承

十卷聖初官至黃門侍郎梁書附傳

後魏皮豹子漁陽人少有武畧魏書列傳沈勇篤實魏書傳論泰常中為中散世

祖時為散騎常侍爵新安侯加冠軍將軍又拜選部尚書出除使

持節侍中都督秦雍荆梁四州諸軍事安西將軍開府儀同三司

進爵淮陽宋史索虜傳引作淮陰公鎮長安加征西將軍坐盜官財徙於統

萬真君三年宋遣將裴方明等侵南秦魏書列傳南秦王楊難當敗奔

於上邽魏書世祖紀遂陷仇池世祖徵豹子復其爵位拜使持節魏書列傳

與琅邪王司馬楚之等督關中諸軍從散關西入世祖紀引出斜谷

阨白馬之險宋書索虜傳俱會仇池世祖紀四年正月豹子進擊樂鄉大

破之擒宋將王奐之王長鄉等斬首二千餘級俘獲二千人進軍

下辨強元明辛伯奮棄城遁走追斬之悉獲其眾魏書列傳宋遣其秦

州刺史胡崇之屯仇池興安公古弼與平西將軍元齊邀崇之於

濁水臨陣擒之從祥郊山南入與豹子等討仇池諸將以道嶮雪

深遲留不進弼使元齊賀純攻塞狹道守將姜道祖南走仇池平

未幾諸氏復推楊文德為主圍仇池弼發兵討之文德南走漢川

魏書古弼傳按豹子傳言豹子與司馬楚之至濁水擊擒崇之

進至高平姜道祖降與弼傳互異攷宋書氏胡傳以胡崇之守仇

池索虜遣弼齊等二萬人邀崇之崇之至濁水遇齊等敗沒魏書

島夷傳說同則弼傳所言較是觀下文豹子軍次下辨聞圍解欲

還云云則豹子實未與克仇池故諸氏復反惟弼平之如謂豹子

既克仇池運軍至下辨則古弼陳兵之說何以俟其既去始遣人

頃天府志一百四

五

謂之乎氏胡傳言濁水去仇池八十里豹之未至仇池則濁水之擒狹亭之攻皆為弼齊可知通鑑於仇池圍解之下始言豹子督關中諸軍至下辨亦從古弼傳也然亦有可疑者攷本紀正月擊樂鄉二月克仇池四月氏羌圍仇池五月破氏解圍豹子與古弼俱奉命會仇池何以遲徊至此意者豹子未至而古弼已由別道先克仇池故駐軍下辨以待之弼傳所謂道峻雪深遲留不進者歟時豹子軍次下辨聞圍解欲還弼遣使謂豹子曰賊恥其負敗必求報復後舉為難不如陳兵待之豹子以為然尋除都督秦雍荆梁益五州諸軍事進號征西大將軍開府仇池鎮將持節公如故十一月宋遣楊文德率眾寇濁水別遣將青陽顯伯守斧山以拒豹子豹子至斧山斬顯伯俘其眾與元齊會於濁水賊眾夜遁魏書文德奔守葭蘆武都陰平氏多歸之魏書氏九年詔豹子討之文德棄城南走擒其妻子寮屬宋白水太守郎啟元郭啟元率眾救文德豹子逆擊大破之文德啟元走還漢中世祖興安二年宋遣蕭道成等入漢中別令楊文德楊顯等率諸氏羌圍武都魏書

列豹子分兵將救之聞宋人增兵益將表狀求助北史詔高平鎮將苟莫于率突騎二千赴之道成等乃退徵豹子為尚書出為內都大官魏書太安四年宋將殷孝祖修兩城於清水東高祖以逼南境天水公封敕文擊之不克詔豹子與給事中周邛等助擊之南齊書焦度傳度領軍救援刺豹子以南寇城守攻圍費日遂畧豹皮公墮馬下獲其具裝鎧稍豹子地至高平魏書大破孝祖斬獲五千餘級五年督河西諸軍南趨石樓以討河西叛胡高宗與賊相對不覺胡走無捷而還又坐免官尋以前後戰功復擢為內都大官和平五年卒高宗追惜之贈淮陽王諡曰襄子道明襲爵道明弟喜高宗紀氏羌傳吐谷渾傳高宗以其名臣子擢為侍御中散遷侍御長魏書延興三年高祖吐谷渾拾寅部落大饑屢寇澆河吐谷渾傳詔假喜平西將軍廣川公魏書列傳率敦煌枹罕高平諸軍為前鋒吐谷渾傳與上黨王長孫觀討拾

寅魏書入境芻其秋稼拾寅窘怖遣子詣軍表求改過吐谷拜使

持節侍中都督秦雍荆梁益五州諸軍事開府仇池鎮將以其父

昔鎮仇池有威信故也喜至申威布惠夷民大悅酋帥強奴子等

各率戶歸附於是置廣業固道二郡居之地形志廣業固道徵為

南部尚書賜爵南康侯加左將軍太和元年宋葭蘆戍主楊文度

遣弟鼠竊據仇池喜率眾四萬討鼠軍到建安鼠棄城南走魏書

進次濁水遂軍於覆津文度將強大黑固守津道喜擊大黑走之

追奔攻拔葭蘆城斬文度傳首京師詔慰勉之又詔於駱谷築城

喜表求待來年詔責之曰若不時築築而不成成而不固以軍法

繩之北史南天水郡民柳旃據險不順喜率眾討滅轉散騎常侍

安南將軍豫州刺史詔讓其在州寬待忘以飲酒廢威不禁下遣

使者就州決以杖罰七年卒贈以本官諡曰恭公魏書

公孫質字元直燕郡廣陽人平南將軍軌之弟有經義頗屬文初

為中書學生稍遷博士魏書附公太延五年車駕西討沮渠牧犍

侍中宜都王穆壽輔皇太子決留臺事魏書世世祖謂壽曰蠕蠕

吳提聞朕征涼州必來犯塞莫若伏兵漠南殄之為易魏書穆

雅信任質以為謀主質性好卜筮卜筮者咸云寇必不來故不謀

備魏書而吳提果至侵及善無蠕蠕傳至七介山京師大駭壽不知所為

附傳由質幾致敗國質後深自督厲屢進讜言超遷尚書真君九

年卒追贈中護軍將軍光祿勳幽州刺史廣陽侯諡曰恭子邃魏

附傳邃字文慶初為選部吏以積勤稍遷南部長敷奏有稱遷南部尚

書賜爵范陽侯加左將軍魏書附公太和十一年魏書高高祖詔

邃與內都幢將上谷公張儵率眾討齊舞陰戍魏書不克通鑑日

錄十四

後高祖與文明太后引見王公以下高祖曰比年方割畿內及京

城三部於百姓頗有益否遂對曰先者人民離散主司猥多至於

督察實難齊整自方割以來眾賊易辦實有大益太后曰諸多言

無益卿言可謂識治機矣魏書附傳十二年齊將陳顯達攻陷醴陽北史

魏紀詔被掠之兵有得還者賜絹二十四匹遂奏為貴賤等級高祖

稱善依例降侯改襄平伯出為使持節安東將軍青州刺史以遂

在公遺跡可紀下詔褒述加鎮東將軍領東夷校尉十九年卒於

官高祖在鄴宮為之舉哀時百度維新青州佐吏疑為所服詔準

諸境內之民為齊衰三月魏書附傳

盧同字叔倫范陽涿人盧元之族孫父輔字顯元北史作顯光本州別

駕同身長八尺容貌魁偉魏書列傳質器洪厚魏書傳論善於處世太和中

起家北海王詳國常侍稍遷司空祭酒昌黎太守營州長史入除

河南尹丞遷太尉屬魏書列傳永平元年豫州彭城人白早生殺刺史

司馬悅據城南叛魏書宗紀都督中山王英尚書邢巒等討之詔同

為軍司事平除冀州鎮東府長史延昌中秦州民反詔同兼通直

常侍持節慰諭多所降下還轉尚書右丞進號龍驤將軍熙平初

轉左丞加征虜將軍相州刺史奚康生徵民歲調皆七八十尺以

邀奉公之譽同於歲祿官給長絹部內患之同乃舉按康生度外

徵調書奏詔科康生罪兼褒同在公之績肅宗世朝政稍衰人多

竊冒軍功同閱吏部勳書因加檢覆覈得竊階者三百餘人魏書列傳

乃奏乞集吏部中兵二局勳簿對勾奏案更造兩通一關吏部一

留兵局又在軍斬首成一階以上者即令行臺軍司給券當中堅

裂一支付勳人一支送門下以防巧偽通鑑百四十八詔依行元義之廢

靈太后也相州刺史中山王熙起兵於鄴熙敗以同為持節兼黃

門侍郎慰勞使就州魏書斬熙於鄴街傳首京師魏書并其子弟通鑑還授平東將軍正黃門同善事在位為父所親戮熙之日深窮黨與魏書鎮濟陰內史楊昱赴鄴魏書以希義旨論者非之又給同羽林二十人以自防衛同兄琇少多大言常云公侯可致至此始為都水使者同啟求回身二階以加琇琇遂除安州刺史魏書正光五年營州城人就德興據城反肅宗除同度支尚書持節使營州慰勞德興降而復反詔同以為幽州刺史兼尚書行臺慰勞之同慮德興難信勒眾而往為德興所擊大敗而還靈太后反政以同義黨除名莊帝踐阼詔復本秩除都官尚書復兼七兵以前慰勞德興功封章武縣開國伯邑四百戶正除七兵轉殿中加征西南將軍普泰初除侍中進號驃騎將軍左光祿大夫同時久病彊牽從務啟求儀同初同之為黃門也與前廢帝俱

在門下同異其為人素相款託廢帝以舊恩許之除儀同三司魏書

列同卷舒兼濟趨捨深沈魏書永熙初薨年五十六贈侍中都督冀滄瀛三州諸軍事驃騎大將軍司空公冀州刺史開國伯如故

諡曰穆三年復加贈尚書右僕射同兄靜魏書好學有風度飲酒至數斗不亂終於太常丞大統初贈太僕卿平州刺史北史

盧道虔字慶祖范陽涿人涇州刺史道裕弟也粗閑經史兼通算術尚高祖女濟南長公主魏書拜駙馬都尉公主驕淫北史

暴薨時云道虔所害世宗祕不窮治魏書延昌四年著作郎崔光表治麻求取道虔日集祕書與史官同檢疏密擇其善者奏聞施

用魏書尚書嘗奏道虔為國子博士靈太后追公主薨事乃黜道虔為民魏書

道虔好禮樂學難齊尚書王儉喪服集記七十餘條北史

附傳孝昌末魏書肅宗紀臨淮王或以孝昌元年五月討徐州十二月討魯陽蠻其後無征討之事末疑當作

初臨淮王彧因將出征啟除道虔奉軍都尉道虔外生李彧尚莊
帝姊豐亭公主因相藉託永安中除輔國將軍通直常侍尋加征
虜將軍以議麻勳賜爵臨淄伯遷散騎常侍天平初征南將軍轉
都官尚書本州大中正出除驃騎將軍幽州刺史尋加衛大將軍
卒於官贈尚書右僕射司空公瀛州刺史諡曰恭文魏書附傳
北史作文恭
道虔為尚書同寮於草屋下設雞黍之膳談者以為高昧且將上
省必見其弟然後去奴在馬上彈琵琶道虔聞之杖奴一百北史
附傳
盧元明字幼章范陽涿人散騎常侍昶之子也涉歷羣書兼有文
義風采閒潤進退可觀永安初兼尚書令臨淮王彧欽愛之及彧開
府引為兼屬仍領部曲出帝登阼以郎任行禮封城陽縣子魏書
附傳
元明傳崔陵為常侍求人修起居注以元明代魏收為中書郎陵每以
籍地自矜謂元明日天下盛門惟我與爾北齊書
崔陵傳天平末原作中
案靜帝

紀元明使梁在四年明年即改魏書二
元象故改從北史李諧傳兼吏部郎中副李諧使梁魏書二
附傳
人才器並為鄰國所重北齊書
魏收傳梁武使朱异覘客异言諧元明之
美諧等見及出梁武目送之謂左右曰朕今日遇勅敵卿輩常言
北間無人物此等何處來北史李
崇附傳稱曰盧李命世北齊書
魏收傳是時鄴
下言風流者以諧元明及李神儁王元景楊遵彥崔瞻為首北史
李諧
傳
還拜尚書右丞轉散騎常侍監起居積年在史館了不厝意又
兼黃門郎本州大中正元明善自標置不妄交遊飲酒賦詩遇興
忘返性好元理作史子新論數十篇文筆別有集錄隋志著錄集
十七卷唐志
著錄集
少時常從鄉還洛途遇相州刺史中山王熙熙博識之士
見而歎曰盧郎有如此風神唯須誦離騷飲美酒自為佳器遂留
之數日贈帛及馬而別魏書
附傳初李神儁欲娶鄭嚴祖妹元明亦將
為婚遂至紛競二家鬩於嚴祖之門鄭卒歸元明魏書李
寶附傳與元明

兄子淫汙元明不能離絕又好以世地自矜時論卽以此貶之魏書

附傳

北齊

盧文偉字休族范陽涿人也為北州冠族父敞出後伯假北齊書

位議郎後以文偉勳贈幽州刺史北史盧文偉少孤有志尚頗涉

經史篤於交遊少為鄉閭所敬州辟主簿年三十八始舉秀才除

本州平北府長流參軍說刺史裴延儁原作裴儁今據魏按舊迹

修督亢陂溉田萬餘頃民賴其利修立之功多以委文偉文偉既

善營理兼展私力家素貧儉因此致富孝昌中詔兼尚書郎中時

行臺常景啟留為行臺郎中及北方將亂文偉積稻穀於范陽城

時經荒儉多所賑贍彌為鄉里所歸北齊書柔元鎮人杜洛周反

於上谷攻陷幽州魏書肅文偉為所虜洛周敗復入葛榮榮敗歸

家時韓樓據薊城文偉率鄉閭屯守范陽與賊相抗乃以文偉行

范陽郡事防守二年與士卒同勞苦分散家財拯救貧乏人人感

悅尔朱榮遣將侯淵北齊書北史避討樓平之文偉以功封大夏

縣男除范陽太守北齊書淵為平州刺史大都督留鎮范陽魏書

及榮誅文偉知淵難信乃誘之出獵閉門拒之淵失據遂赴中

山莊帝崩文偉與幽州刺史劉靈助同謀起義靈助克瀛州留文

偉行州事自率兵起定州為侯淵所敗文偉棄州走還本郡仍與

高乾邕兄弟共相影響屬神武至信都文偉遣子懷道奉啟陳誠

北齊書中興初除安州刺史不之官尋轉幽州刺史北史時安州

刺史盧曹北史作亦從靈助舉兵靈助敗因據幽州文偉不得入

北齊書後除青州刺史文偉輕身愛客善於撫接北史好行小惠

是以所在頗得人情雖有受納吏民不甚苦之經紀生資常若不

足致財積聚承候寵要餉邊遺不絕興和三年卒於州年六十贈使持節侍中都督定瀛殷三州軍事司徒尚書左僕射定州刺史諡曰孝威

北齊書列傳

平鑿字明達燕郡薊人也

北齊書列傳

祖延魏安平太守父勝安州刺

史

北史列傳

鑿少聰敏有志力受學於徐遵明

北齊書列傳

受詩禮於宏農

楊文懿通大義不為章句

北史列傳

雖崇儒業而有豪俠氣孝昌末盜

賊蜂起見天下將亂乃至洛陽與慕容儼騎馬為友

北齊書列傳

兼習

弓矢鑿性巧夜則胡畫以供衣食

北史列傳

謂其宗親曰運有污隆亂

極則治并州戎馬之地尔朱王命世之雄仗義建旗奉辭問罪勞

忠竭力今也其時遂相率奔尔朱榮於晉陽因陳靜亂安民之策

榮大奇之即署參軍前鋒從平鞏密每陳先登除撫軍襄州刺史

北齊書列傳普泰元年高祖建義於信都

北齊書神武紀

鑿棄州自歸即授本

官

北史列傳

高祖謂鑿曰日者皇綱中弛公已早竭忠誠今尔朱披猖

又能去逆從善搖落之時方識松筠

北齊書列傳

文襄輔政封平西縣

伯遷懷州刺史

北史列傳

鑿奏請於州西故軹道築城以防遏西寇朝

廷從之

北齊書列傳

尋而西魏將楊標來攻時新築之城糧仗未集素

乏水

北史列傳

衆情大懼南門內有一井隨汲即竭鑿乃具衣冠俯井

而祝

北齊書列傳

至旦而井泉涌溢有異於常合城取足標示敵人將

士既觀非常勇氣自倍

北史列傳

魏師敗還以功進位開府儀同三司

累遷揚州刺史其妻生男鑿因喜酣醉擅免境內囚誤免

關中細作二人醒而知之上表自劾文宣特原其罪賜犢百頭羊

二百口酒百石令作樂河清二年重拜懷州刺史

北史列傳

時和士開

以佞幸勢傾朝列令人求鑿愛妾劉氏鑿即送之乃謂人曰老公

失阿劉與死何異要自為身計不得不然由是除齊州刺史

北齊書列

傳 鑿文武馳驅盡其知力北史 歷牧八州為吏所思立碑頌德入

為都官尚書令北齊書 卒贈司空司諡曰文北史

陽休之字子烈右北平無終人也父固魏洛陽令贈太常少卿休

之儒爽有風槩少勤學愛文藻北齊書 習於儀禮隋書禮儀志論 弱冠善

聲為後來之秀北齊書 時人為之語曰能賦能詩陽休之北史 陽

幽州刺史常景王延年並召為主簿魏孝昌中杜洛周破薊城休

之與宗室及鄉人數千家南奔章武轉至青州時葛榮寇亂河北

流民多湊青部休之知將有變請其族叔伯彥等潛歸京師避之

多不能從休之垂涕別去俄而北齊書 平北主簿河間邢景率流

民十餘萬戶反於青州之北海魏書 伯彥等咸為土人所殺諸

陽死者數十人唯休之兄弟免北史 莊帝立解褐員外散騎侍郎

北齊書 累遷太尉記室參軍北史 李神儒監起居注啟休之入撰

次永安末洛州刺史李海啟除冠軍長史普泰中為太保長孫稚

府屬尋勅與魏收李同軌等修國史太昌初除尚書祠部郎中北

齊書 後行臺賀拔勝經畧樊沔請為南道軍司北史 俄而魏武帝

入關勝令休之奉表詣長安參謁時高祖亦啟休之太常少卿尋

屬勝南奔仍隨至建業休之聞高祖推奉靜帝乃白勝啟梁武求

還以天平二年達鄴仍奉高祖令赴晉陽世宗引為行臺郎中四

年高祖幸汾陽之天池於池邊得一石上有隱起其文曰六王三

川北齊書 問休之曰此文字何義對曰六者大王字河洛伊為三

川大王若受天命終應統有關右北史 高祖曰世人無事常道我

欲反今聞此更致紛紜慎勿妄言也元象初錄荊州軍功封新泰

縣伯除尚書左民郎中興和二年兼通直散騎常侍使於梁武定

二年除中書侍郎北齊書 先是中書專主綸言魏宣武已來事移

門下至是發詔依舊任遇甚顯時魏收為散騎常侍領兼侍郎與
休之參掌詔命世論以為中興北史附傳五年兼尚食典御七年除太

子中庶子遷給事黃門侍郎進號中軍將軍幽州大中正八年兼
侍中持節奉璽書詣并州敦喻顯祖為相國齊王時顯祖將受魏

禪發晉陽至平陽郡為人心未一旦還并州恐泄漏仍斷行人休
之性疏放使還遂說其事鄴中悉知後高德政以聞顯祖忿之而

未發齊受禪除散騎常侍修起居注頃之坐詔書脫誤左遷驃騎
將軍積前事也北齊書列傳時郊天百寮咸從休之衣兩襦甲手持白

棊魏收為中書令嘲之休之曰我昔為常伯首戴蟬冕今處驍游
身被衫甲允文允武何必減卿談笑晏然議者服其夷曠北史附傳

以禪讓之際定禮儀別封始平縣男後除都水使者歷司徒掾中
書侍郎尋除中山太守北齊書列傳先是韋道建末欽道代為定州長

史帶太山太守並立制監臨官不得過百姓飲食有者即數錢酬
之休之常以為非及至郡復相因循人問其故休之曰吾昔非之

者為其失仁義今日行之者自欲避嫌疑在郡三年再致甘露之
瑞北史附傳顯祖崩徵至晉陽經紀喪禮乾明元年兼侍中巡省京邑

仍拜大鴻臚卿領中書侍郎北齊書列傳在晉陽典詔誥北齊書魏收傳皇建

初以本官兼度支尚書侍郎加驃騎大將軍領幽州大中正肅宗
留心政道每訪休之治術休之答以明賞罰慎官方禁淫侈恤民

患為政治之先帝深納之北齊書列傳因敕休之每日本職務罷入東
廊舉錄歷代廢禮墜樂職司廢置朝饗異同輿服增損或道德高

儒人在沈淪或巧言眩俗妖邪害政爰及田市舟車徵稅通塞婚
葬儀軌貴賤等差有不便於時而古今行用不已者或自古利用
而當今毀棄者悉令詳思以漸條奏北史王太冑口除都官尚書

轉七兵祠部河清三年出爲西兗州刺史

北齊書列傳

諸朝士各有詩

言贈

北齊書孫靈暉傳

天統初徵爲光祿卿監國史休之在中山及治西

兗俱有惠政爲吏民所懷去官之日百姓樹碑頌德尋除吏部尙

書休之多識古事諳悉民族凡所選用莫不才地俱允

北齊書列傳

子助教熊安生當時碩儒因喪解職久不見調休之引爲國子博

士儒者以此歸之

北史列傳

武平元年除中書監三年加特進六年除

正尙書右僕射領中書監休之本懷平坦爲士友所稱晚節說祖

珽撰御覽

北齊書列傳

詔休之監撰

北齊書文苑傳論

書成加特進令其子辟

強預修

北史附傳

及珽黜便布言於朝廷云先有嫌隙及鄧長顓顏之

推奏立文林館之推本意不欲令耆舊貴人居之休之便相附會

與少年朝請參軍之徒同入待詔又魏收修史之日立高祖本紀

取平四胡之歲爲齊元收在齊州恐史官改奪其意上表論之武

平中魏收還朝敕集朝賢議其事休之立議從天保爲限斷魏收

存日猶兩議未決收死後便諷動內外發詔從其議後領中書監

便謂人曰我已三爲中書監用此何爲隆化還鄴舉朝多有遷授

封休之燕郡王又謂其所親云我非蠻奴何意忽有此授凡此諸

事深爲時論所鄙休之好學不倦博綜經史文章雖不華靡亦爲

典正

北齊書列傳

位高望重鬱爲時宗

北齊書傳論

少年頗以峻急爲累晚

節以通美見稱重矜期好遊賞太常卿盧元明人地華重罕所交

接非一時名士不得與之游休之始爲行臺郎便坦然投分文酒

會同相得甚款太子中庶子平原明少遐風流名士也梁亡奔鄴

昔因通聘與休之同遊及少遐卒其妻窮敝休之經紀振恤恩分

甚厚尙書僕射崔暹爲文襄所親任勢傾朝列休之未嘗請謁暹

子達孳幼而聰敏年十五已作五言詩時梁使在館暹持達孳詩

示諸朝士又欲示梁客餘人畏暹皆隨宜應對休之獨正言郎子聰明方成偉器但小兒文藻未可以示遠人其方直如此元景每云當今直諫陽子烈其有焉北史附傳邢邵魏收殂後以先達見推虛

懷接物為搢紳所愛重北齊書列傳周武平齊與袁聿修等十八人同

敕入京北齊書源彪傳尋除開府儀同北齊書列傳依例封臨澤縣男歷納言

中大夫太子少保進位上開府除和州刺史隋開皇二年罷任終

於洛陽北史附傳年七十四所著文集三十卷北齊書列傳唐志韻

畧一卷隋書經籍志又撰幽州人物志并行於世北齊書列傳固從弟昭北史

附傳昭字元景學涉經史尤聞案牘為齊文襄府墨曹參軍甚見親委

與陳元康崔暹等參謀機密北史陽尼附傳高祖葬後崔悛竊言黃領小

兒堪當重任否北齊書崔悛傳為崔先所告元景劾成其獄賴邢子才證

白以免時以元景為告而順旨文襄將受魏禪令元景等定儀注

草詔冊并授官未畢而文襄遇盜二字據北齊書文襄紀補而殂罷府天保初

除給事黃門侍郎後出除青州高陽內史卒於郡文集十卷北史附傳

北周

寇洛上谷昌平人也累世為將吏父延壽和平中以良家子鎮武

川因家焉洛性明辨不拘小節正光末以北邊賊起遂率鄉親避

地於并肆因從尔朱榮征討周書列傳建義元年魏書尔朱天光傳賀拔岳西

征洛與之鄉里乃募從入關破赤水蜀以功拜中堅將軍屯騎校

尉別將封臨邑縣男又從岳獲賊帥尉遲菩薩於渭水破侯伏侯

元進於百里細川擒万俟醜奴於長坑洛每力戰并有功加龍驤

將軍都督進爵安鄉縣子累遷征北將軍衛將軍周書列傳及岳為大

行臺以洛為大都督北史列傳永熙三年岳為侯莫陳悅所害周書文帝紀

順天府志二百四

時變起倉卒周書軍中惶擾周書洛於諸將中最為舊齒眾所素

信周書乃撫輯散亂抗禦仇讐周書遂全眾而返既至原州眾咸

推洛為盟主周書洛素無雄畧威令不行乃謂諸將曰洛智能本

闕不宜統御近者迫於羣議推相攝令今請避位更推賢材文帝

乃與趙貴等議迎太祖魏帝以洛有全師之功除武衛將軍太祖

至平涼以洛為右大都督從討侯莫陳悅平之拜涇州刺史周書

齊神武既有異志聲言欲西意在入洛太祖令洛率馬步萬餘自

涇州東引文帝魏孝武西遷進爵臨邑縣伯邑五百戶尋進位驃

騎大將軍儀同三司進爵為公增邑五百戶大統初魏文帝詔洛

忠款自心勳誠早立可加開府進爵京兆郡公封洛母宋氏為襄

城郡君三年出為華州刺史加侍中與獨孤信復洛陽移鎮弘農

四年從太祖與東魏戰於河橋軍還洛率所部鎮東雍五年卒於

鎮時年五十三贈太尉尚書令諡曰武子和嗣世宗二年錄勳舊

以洛配享太祖廟庭賜和姓若口引氏改封松陽郡公後至開府

儀同三司賓部中大夫洛弟紹位至上柱國北平郡公周書

唐

盧藏用字子潛幽州范陽人新書度支尚書承慶之姪孫也少以

辭學著稱舊書博物多能唐舉進士不得調與兄徵明偕隱終

南少室二山練氣為辟穀新書習靜閑局世事多捐尤精道意唐

有高尙致大長安中徵拜左拾遺舊書武后作興泰宮於萬

安山新書武三思建議請每歲臨幸功費甚廣百姓苦之通鑑

藏用上疏諫曰陛下離宮別觀固多矣又窮人力以事土木臣恐

議者以陛下為不愛人而奉已也且頃歲穀雖頗登而百姓未有

儲陛下巡幸訖靡休息斤斧之役歲月不空不因此時施德布化

而又廣宮苑臣恐下未易堪今左右近臣以諛意為忠犯忤為患

至令陛下不知百姓失業百姓亦不知左右傷陛下之仁也陛下

誠能發明制以勞人為辭則天下必以為愛力而苦已也不從姚

元崇持節靈武道奏為管記還應縣令舉甲科為濟陽令新書神

龍中累轉起居舍人兼知制誥俄轉中書舍人景龍中為吏部侍

郎藏用性無挺特多為權要所逼頗驥公道新書言藏用為中書

又言其狗權利豈有狗權利之人而遷黃門侍郎兼昭文館學士

轉工部侍郎尚書右丞先天中坐託附太平公主配流嶺表舊書

會交趾叛藏用有捍禦勞改昭州司戶參軍新書開元初起為黔

州都督府長史兼判都督事未行而卒年五十餘有集二十卷舊書

列傳新書藝文志作三十卷春秋後語十卷子書要略一卷又注老子二卷注

莊子內外篇十二卷新書藝文志藏用善書龜九宮術工草隸大小篆

八分善奕思精遠嘗以俗狗陰陽拘畏乖至理泥變通乃為折滯

論以暢其方世謂知言新書少與陳子昂趙貞固友善三人并早

卒藏用厚撫其子為時所稱舊書李邕文名天下藏用謂如干將

莫邪難與爭鋒但虞傷缺耳後卒如言新書李始隱山中時有意

當世人目為隨駕隱士晚乃狗權利務驕縱素節盡矣新書文雖

堪尚義無可則舊書有道士司馬承禎者睿宗遣至京將還藏用

指終南山謂之曰此中大有佳處何必在遠承禎徐答曰以僕所

觀乃仕宦捷徑耳藏用有慙色大唐

劉怵幽州昌平人也父貢常為廣邊大斗軍使怵即朱滔姑之子

舊書少為范陽裨將以親老疾去職李懷仙為節度檄召不應朱

滔時積功至雄武軍使廣墾田節用度以辦治稱稍遷涿州刺史

新書大曆十年通鑑二百滔將兵討田承嗣奏署怵領留府事以

寬緩得衆心時李寶臣爲承嗣間說與之通謀及以兵劫滔於瓦

橋關滔脫身走舊書列傳寶臣乘勝欲襲幽州怵設方畧勒兵完守寶

臣不敢謀擢御史中丞新書列傳寶臣死子惟岳拒命德宗令滔討之

惟岳平滔怨朝廷違約不與深州含怒不已會王武俊亦怨割地

深趙相謀叛欲救田悅怵時知幽州留後事舊書列傳以書諫曰司徒

身節制太尉位宰相恩遇極矣今昌平有太尉鄉司徒里不朽業

也能以忠順自將則無不濟比忘上樂戰不顧成敗如安史者今

復何有司徒圖之無貽後悔新書朱滔傳滔雖不用亦嘉其盡言卒無

疑貳舊書列傳滔將起兵恐張孝忠爲後患使怵將兵屯要害以備之

通鑑二百二十七及僭稱大冀王僞署怵爲右僕射范陽留守及朱泚據

京邑召滔南犯至貝州挫敗而還兵甲盡喪怵聞滔至悉蒐范陽

兵甲夾道排列二十餘里以迎滔歸於府人皆嘉怵忠義舊書列傳滔

被病政事一委怵新書朱滔傳及滔死軍中推怵總軍事俄詔爲節度

副大使彭城郡公居鎮纔三月新書列傳貞元元年九月卒年五十九

贈兵部尙書舊書列傳諡曰恭子濟新書列傳

濟字濟之之字據權德輿劉公墓誌補游學京師第進士歷莫州刺史怵病詔

濟假州事及怵卒嗣節度累遷檢校尙書新書劉貞元五年遷左

僕射時烏桓鮮卑數寇邊濟帥師擊走之深入千餘里虜獲不可

勝紀舊書劉貞元五年遷左登山斲石著北伐銘以見志劉公墓誌東北晏然貞元中

朝廷優容藩鎮兩河擅自繼襲者尤驕蹇不奉法舊書附傳德宗患之

以濟方納忠於朝密詔壽州刺史張建封擇縱橫士往說濟建封

署温造節度參謀使幽州造與濟語未訖濟俯伏流涕曰僻陋不

知天子神聖大臣盡忠願率先諸侯效死節建封以聞新書温大

濟務恭順朝獻相繼德宗以恩禮接之加同中書門下平章事順

宗即位再遷檢校司徒元和初加兼侍中舊書附傳濟與王士真張茂

昭爭私隙迭相表請加罪以給事中房式為幽州成德義武宣慰

使和解之通鑑二百三十七王承宗叛濟合諸將曰天子知我怨趙必命

我伐之趙且大備我奈何裨將譚忠欲激濟伐承宗遂疾言曰天

子不使我伐趙趙亦不備燕濟怒繫之使視趙果不設備數日詔

書許濟無出師濟釋忠謝而問之忠曰昭義盧從史外親燕內實

忌之外絕趙內實與之此為趙畫曰燕倚趙自固雖宿怨必不殘

趙故不足虞也趙既不備燕從史則告天子曰燕趙宿怨也今趙

見伐而不備燕是燕反與趙此所以知天子不使君伐趙趙亦不

備燕濟曰計安出曰今天子誅承宗而燕無一卒濟易水者正使

潞人賣恩於趙販忠於是君貯忠誼心而染私趙之名卒不見

德於趙惡聲嘈嘈於天下濟然之新書附傳乃下令軍中曰五日畢出

後者醢以狗五年春正月濟自將兵七萬人擊承宗時諸軍皆未

進濟獨前奮擊拔宜陽東鹿河東河中通鑑二百三十八又拔饒陽屯瀛

州進攻安平拔其城新書附傳承宗懼遣其屬崔遂上書謝罪新書王武俊附傳

會赦承宗錄功拜兼中書令舊書附傳濟之出以長子緄攝留務次

子總為行營都知兵馬使新書附傳及濟疾總與濟親吏唐宏實通謀

酖殺濟時年五十九舊書列傳追緄至涿州殺之乃發喪贈太師諡曰

莊武新書列傳濟初產侍者見濟是一大蛇黑氣勃勃莫不驚走及長

頗異常童所居室焚人皆驚救濟從容而走眾異之在鎮二十餘

年雖輸忠欵竟不入覲弟源初為涿州刺史不受兄教令濟奏貶

漢州參軍復不受詔濟帥師至涿州源出兵拒之未合而潰濟擒

源至幽州上言請令人覲故授官以徵之又謀殺其弟滌舊書滌列傳

涉書史有材武好施愛士能得人死力始事朱滔常陳君臣大分

裁抑其凶及怍得幽州不三月病且死瀧侍湯液未嘗離輒以父

命召濟於莫州濟嗣總軍事故德瀧之讓以為瀛州刺史新書許

代已任後濟乃以其子為副大使舊書劉瀧怨之擅通表朝廷遣

兵千人防秋濟怒發兵擊瀧破之瀧為濟所逼通鑑二百遂請西

捍隴塞拔所部兵千五百人男女萬餘口直趨京師在道無一人

敢犯令者舊書德宗甚寵之拜秦州刺史屯普潤軍中不設音樂

士卒病親存問所欲不幸死哭之憲宗立方士羅令則詣營妄言

廢立以動瀧瀧命繫之辭曰吾黨甚眾公無囚我約大行梓宮發

兵無不濟瀧械送闕下殺之錄功號其軍曰保義新書以瀧為節

度使舊書憲瀧號令嚴整通鑑二百蕃戎畏憚不敢入寇常愾然

有復河湟志屢為朝廷言之未見省新書議者壯之舊書劉闢作

亂杜黃裳奏委高崇文討之崇文素憚瀧黃裳使人謂曰若不奮

命當以瀧代由是得崇文死力舊書杜累封彭城郡公及病籍士

馬求代新書元和二年舊書還卒於道年四十九贈尚書右僕射

諡曰景新書列傳

盧憇幽州范陽人也父子騫穎王府諮議參軍憇少以門蔭入仕

在職以幹局稱累授閬州錄事參軍監察殿中御史侍御史金州

刺史宰相楊炎遇之頗厚召入左司郎中京兆少尹遷大尹憇無

學術善事權要為政苛躁盧杞甚惡之諷有司彈奏坐貶撫州司

馬同正改饒州刺史舊書貞元元年遷遷字據福州刺史福建觀

察使二年卒舊書德宗紀

盧徵范陽人也家於鄭之中牟少涉獵書記永泰中江淮轉運使

劉晏辟為從事委以腹心之任累授殿中侍御史舊書建中元年

新書德晏得罪貶珍州司戶參軍新書劉興元中晏門人元琇為

宗紀

戶部侍郎判度支徵為京兆司錄度支員外舊書有名於時劉晏

傳劉晏傳秀得罪坐貶信州長史新書劉晏傳作秀州案唐地理志有信

州無秀州五代史職方考秀州吳越王

錢元瓘置新書遷信州刺史入為右司郎中驟遷給事中舊書列傳

權德與祭盧

華州文云兄時左遷屈佐乘輅俄奏戶部侍郎竇參善之方倚以

郡課復升郎位左掖斯密教官已貴戶部侍郎竇參善之方倚以

代已新書貞元八年同州刺史闕舊書列傳參請用尚書左丞趙憬德

宗惡參欲間其腹心更用徵為之久乃徙華州同華地迫而貧所

獻嘗殷陋新書附傳徵冀復入用舊書厚歛貨賄結託中人舊書人不

堪命疾病臥理者數年貞元十六年卒時年六十四舊書列傳

盧華州文云華州刺史御史大夫案權德輿祭

夫則徵又嘗加御史大夫也

高霞寓幽州范陽人新書列傳祖仙父栖鶴皆以孝聞凡五代同爨德

宗朝採訪使洪經綸奏旌表門閭鄉黨稱美舊書列傳霞寓能讀春秋

及兵法頗以感槩自尚狡譎多變往見長武城使高崇文崇文異

其才檄任軍職新書列傳元和初詔兼御史大夫從崇文將兵擊劉闢

連戰皆克舊書列傳闢城鹿頭關置柵於關東萬勝堆通鑑二百

親鼓士拔絃上矢石如雨命敢死奪堆焚柵柵中之賊殲焉舊書高崇

文下鹿頭城降李文悅伏良輔等新書列傳闢率餘黨奔西山霞寓以

輕騎追捕及於陽灌田遂擒送闕下韋貫之南平郡王神道碑以功拜彭州刺

史尋繼崇文為長武城使封感義郡王元和五年隨吐突承璀擊

王承宗舊書列傳諸將多覆軍獨霞寓有功詔藏所獲鎧仗於神策庫

以旌之承瓘已執盧從史其軍相驚乃遣霞寓諭之麾而大呼曰

元惡縛矣公等宜自安即脫鎧揖而前眾遂定欲留為帥霞寓聞

道去拜豐州刺史三城都團練防禦使新書列傳六遷至檢校工部尚

書十年朝廷討吳元濟舊書列傳析山南東道為兩鎮以霞寓宿將拜

唐鄧隨節度使新書列傳地理志山南東道節度使元和中和淮蔡用兵析唐

地理志山南東道節度使元和中和淮蔡用兵析唐

地理志山南東道節度使元和中和淮蔡用兵析唐

地理志山南東道節度使元和中和淮蔡用兵析唐

地理志山南東道節度使元和中和淮蔡用兵析唐

鄧三州別立一節度而新書方鎮表又云元和十年置唐隨
鄧三州節度十二年廢還隸山南東道彼此互異未詳孰是唐州
刺史舊書德宗傳紀唐與蔡接故使霞寓專事攻戰通鑑二百二十九遏賊南衝

霞寓雖悍而寡謀統制尤非所善始引兵趨蕭陂戰小勝進至文

城柵賊偽北逐之為伏所掩遂大敗案新書吳少誠附傳霞寓戰

鐵城賊偽奔霞寓窮追伏發死傷畧盡通鑑同胡三省才以身免

注云鐵城即文城柵以其堅不可破故謂之鐵城耳

大將軍拜振武節度使會吐蕃攻鹽豐二州霞寓以兵五千屯拂

雲堆虜引去浚金河漑鹵地數千頃改左武衛大將軍又節度邠

甯位檢校司徒新書寶曆二年疽發首不能理事求歸闕下舊書

以石金吾為大將軍召卒於道新書年五十五贈太保舊書霞寓

位既高言多不遜帝欲罷其兵益自憂乃上私第為佛祠請署曰

懷恩以塞帝疑俄又嘲侮僚屬作謾語斥訕大臣其反覆自任類

此新書列傳

盧攜字子升范陽人舊書列傳世居鄭新書才辨詞藻闕風貌不揚語

亦不正尚書韋岫謂曰盧雖人物甚陋其文章有首尾他日必為

大用北夢瑣言大中九年進士擢第授集賢校理出佐使府舊書入朝

為右拾遺歷臺省累進戶部侍郎翰林學士承旨新書乾符元年

上言民飢困宜加賑恤通鑑目錄二十四敕從其言以本官同平

章事通鑑二百五十二按同平章舊傳言四年新傳言五年新

俄拜中書侍郎刑部尚書宏文館大學士新書攜清苦律身剗斷

無滯史闕與鄭畋俱李翺甥同位宰相然所處議多駁初王仙芝起

河南攜表宋威齊克讓曾袞皆善將為招討使及威殺尙君長賊

熾結益不制乃以王鐸鎮荆南為諸道都統攜不悅新書五年黃

巢陷廣州舊書列傳勢張甚表求天平節度使詔宰相百官議新書鄭

敗欲許之新書黃巢傳攜素厚高駢屬令立功新書列傳執不可黃巢傳又欲

激巢使戰而敗鐸因授率府率又徇駢與南詔和親與敗爭相恨

詈新書列傳攜怒拂衣去裾蟻於硯因抵之帝以大臣爭口語無以示

百官乃俱罷為太子賓客新書鄭分司東都俄為兵部尙書會駢

將張璘破賊帝復召攜以門下侍郎同平章事及鐸失守以駢代

之即按關東諸將為鐸敗所任者悉易置內倚田令孜外寄戎政

於駢與奪惟所愛惡後病風蹇神智瞋塞事多決於親吏楊溫李

脩賄賂顯行及巢破淮南璘戰死忠武兵亂天下危懼人皆咎攜

始下詔以巢為天平節度使詔下賊已破潼關明日以太子賓客

罷分司東都是夜攜仰藥而死巢入京斲棺磔尸於長安市新書列傳

後梁新書列傳馬慎交燕人也素有膽辨舊五代史梁末帝紀燕帥劉仁恭將唐光化三年

梁太祖遣葛從周攻浮陽與仁恭戰於乾甯軍老鷓隄大破之俘

慎交舊史梁太祖紀太祖遇弒友珪自立新五代史梁紀三末帝謀討友珪問於

趙巖巖曰此事成敗在招討楊公得其一言論禁軍吾事立辦帝

乃遣慎交新史楊師厚傳之魏州見師厚計事新史梁紀三慎交說師厚曰郢

王殺君害父篡居大位宮中荒淫靡所不至洛下人情已去東京

物望所歸公若因而成之則有輔立之功討賊之効師厚猶豫未

決慎交曰郢王以子弒父是曰元兇均王為君為親正名仗義彼

若一朝事成令公何情自處舊史梁末帝紀師厚悟乃遣將至洛陽計事

以兵屯渭州卒殺友珪新史楊師厚傳

高邵字子將范陽潞人四字據韋貫之高淮南節度使駢之猶子

也父泰黔中觀察使唐僖宗避敵在蜀駢鎮淮南為都統兼諸道

鹽鐵使兵賦在已朝廷優假之以故邵幸而早官年十四遙領華

頁長壽志一百四

州刺史舊書中和後寓圃田為蔡寇繫之得後脫去投汴南部新書舊傳

言光啟中以駢命過晉公王鐸于鄭俄而州陷于蔡邵為賊所得

伴為乞食出東郊門疾趨至中牟遂達於汴案新舊紀中和元年

士鐸為鄭滑觀察行營都統三年罷四年為盜所殺明年為光啟

元年攻之鐸傳其為行營都統亦僅壁盤屋未嘗至鄭滑至蔡賊

之陷鄭州舊紀在光啟二年新紀在光啟三年時高

駢已為畢師鐸所執舊傳年月事實皆誤今不取

太祖以客禮

遇之尋表為亳州團練副使知州事又數年辟為宣武節度判官

在幕下頗以氣直自許後監鄭州事復權知徐州留後唐昭宗之

幸此字據梁太祖紀補鳳翔太祖奉迎未出劭有疑謀遂令赴華州詣丞相

府議事行至高陵為盜所害舊書列傳南部新書作後駕在岐

後唐

元行欽幽州人也為劉守光裨將守光篡其父仁恭使行欽以兵

攻仁恭於大安山而囚之又使行欽害諸兄弟其後晉攻幽州守

光使行欽募兵雲朔新五代史列傳以高行珪為武州刺史明宗諭以逆

順之理行珪乃降行欽在山北聞變即率部下以攻行珪行珪遣

弟行周告急於周德威德威命明宗援之舊史高行珪傳通鑑

城危賊甲士亡散劉守光召元行欽以行珪在武州慮為後

赴召無益乃請行欽為燕帥稱留後行欽以行珪在武州慮為後

患乃於懷戎掠得其子繫之至武州謂行珪曰將士立我為留後

共汝父子同行先定軍府然後降太原行珪不從城守月餘食盡

乃夜縱其弟行周於晉軍乞援莊宗實錄薛史紀及元行欽傳明

宗實錄皆云行欽聞行珪降晉帥兵攻之惟周太祖實錄高行周

傳云行欽稱留後行珪城守不從然恐行周卒時去燕亡已久行

周名位尊顯門生故吏虛羨其兄弟故與諸說特異今從衆書

與行欽相拒廣邊軍凡八戰明宗七射中行欽行欽拔矢而戰亦

射明宗中股行欽屢敗乃降明宗撫其背而飲以酒曰壯士也因

養以為子常從戰立功莊宗已下魏益選驍騎將自衛聞行欽驍

勇取為散員都部署賜姓名曰李紹榮莊宗好戰而輕敵與梁軍

戰潘張軍敗而潰莊宗得三四騎馳去梁兵數百追及攢稍圍之

行欽望其旗而識之馳一騎奮劍斷其二矛斬首一級梁兵解去

莊宗還營持行欽泣曰富貴與卿共之由是寵絕諸將新史官至

檢校太傅忻州刺史及莊宗平梁授武甯節度使舊史莊宗宴羣

臣於內殿酒酣樂作道平生戰陣事以為笑樂而怪行欽不在因

左右顧視曰紹榮安在所司奏曰奉敕宴使相紹榮散官不得與

也莊宗罷會不樂明日即拜行欽同中書門下平章事自此不召

羣臣入內殿但宴武臣而已新史行欽喪婦莊宗勞之劉皇后指

宮人謂莊宗曰可使為婦許之舊史同光四年趙在禮反陷鄴

唐紀莊宗方選大將擊之劉皇后曰此小事可趣紹榮指揮乃以

行欽為鄴都行營招撫使將二千人討之行欽攻鄴南門以詔書

招在禮在禮送羊酒犒軍新史拜于城上曰將士思家擅歸相公

誠善為敷奏得免於死敢不自新遂以救偏論軍士史彥瓊戟手

罵曰羣死賊城破萬段皇甫暉謂其眾曰觀史武德之言上不赦

我矣因聚謀掠救書手壞之守陴拒戰攻之不利以狀聞通鑑二百七十一

四莊宗大怒敕行欽破城之日無遺種乃益召諸鎮兵皆屬行欽

行欽屯澶州分諸鎮兵為五道毀民車輪門扉屋椽為筏渡長慶

河攻冠氏門不克是時邢洺諸州相繼叛而行欽攻鄴無功莊宗

欲自將以往羣臣皆諫止乃遣明宗討之新史明宗至鄴營于城

西行欽營于城南夜明宗為亂軍所迫入于魏三字據新傳密令張虔

釗至行欽營戒之曰且堅壁勿動計會同殺亂軍行欽不聽將步

騎萬人退保衛州舊史列傳以明宗反聞新史列傳明宗既劫出鄴城令人

走馬上章申理其事言臣且于近郊聽進止莊宗覽奏釋然曰吾

知紹榮妄矣因令明宗子繼璟至軍前欲令見明宗行欽繫繼璟

於路明宗凡奏拘留不達舊史由是疑懼通鑑二百七十四案

半由行欽激成而新史傳論謂方明宗兵變于魏諸將未知去就

而行欽獨以反聞又殺其子從璟至于斷髮自誓其誠節足嘉其

說又異竊謂明宗被劫詭說出城其初未必有心反通鑑亦從舊史今本之明宗自魏縣引兵南行欽

率兵趨還京師從莊宗幸汴州行至滎澤聞明宗已渡黎陽莊宗

復遣從璟通問于明宗行欽因擊殺從璟明宗入汴州莊宗至萬

勝鎮不得進與行欽登道旁冢置酒相顧泣西至石橋野次莊宗

謂行欽曰卿等從我久富貴急難無不同也我至滎澤欲單騎渡

河自求總管卿等各陳利害今日俾我至此卿等何如行欽泣對

曰臣本小人蒙陛下撫養位至將相危難之時不能報國雖死無

以塞責因與諸將百餘人解髻斷髮誓以死報相持慟哭莊宗還

洛陽數日復幸汜水郭從謙反莊宗崩新史行欽引皇后存渥得

七百騎出師子門將之河中就存霸沿路部下解散從者數騎而

已舊史至平陸為野人所執送虢州刺史石潭折其兩足載以檻

車送京師明宗罵曰我兒何負于爾行欽瞋目直視曰先皇帝何

負于爾乃斬于洛陽市市人皆為流涕新史

王緘史不言何郡人據列傳言燕薊多文幽州劉仁恭故吏也以

幕職令使鳳翔還經太原屬仁恭阻命武皇留之緘辭復命武皇

怒下獄詰之謝罪聽命乃署為推官歷掌書記舊五代韓延徽自

契丹奔晉晉王欲置之幕府緘嫉之延徽不自安求東歸省母復

入契丹寓書晉王曰懼緘之讒契丹從莊宗經略山東承制授檢

校司空魏博節度副使緘博學善屬文燕薊多文士緘後生未知

名及在太原名位驟達燕人馬郁謂曰公在此作文士所謂避風

鳥受賜於魯人也每于公宴但呼王緘而已十年從征幽州既獲

劉仁恭父子莊宗命緘為露布觀其旨趣緘起草無所辭避舊史

不知故事書之於帛遣人曳之為識者所笑容齋胡柳之役緘隨

輜重前行歿於亂兵凶問至莊宗流涕久之得其喪歸葬太原舊史

傳列

周知裕字好問幽州人也少事燕將劉仁恭為騎將表為媯州刺

史移德州舊五代史列傳仁恭為其子守光所囚知裕去事守光兄守文

守光攻殺守文乃與張萬進立守文子延祚而事之守光又殺延

祚以其子繼威代之新五代史列傳繼威兇虐嘗淫亂於萬進家萬進怒

而殺之舊史張萬進傳詰旦召知裕告其故萬進自稱留後署知裕景刺

史萬進納款於梁舊史列傳亦遣使降於晉晉王命周德威撫之知裕

心不自安通鑑二百六十八奔汴梁主厚待之特置歸化軍以知裕為旨

揮使凡軍士自河朔歸梁者皆隸部下舊史列傳梁晉相距河上十餘

年其摧堅陷陣歸化一軍為最新史列傳同光初莊宗入汴舊史列傳知裕

與段凝軍河上聞梁已亡欲自殺為賓客故人止之乃降新史列傳明

宗時為總管受降郊外見知裕甚喜謂曰周歸化今為吾人何樂

如之因令諸子以兄事之舊史列傳莊宗尤寵待諸將嫉其寵新史列傳有

壯士唐從益因獵射之知裕遁而免莊宗遂誅從益出知裕為房

州刺史舊史列傳三年大舉伐蜀魏王繼岌充西川四面行營都統舊史

莊宗紀召為前鋒舊史列傳明宗時歷絳淄二州刺史遷宿州團練使安

州留後所居皆有善政安州近淮俗惡病者父母有疾置之他室

以竹竿繫飲食委之至死不近知裕深患之加以教道由是稍革

新史列傳長興末入為右莊紀神武統軍清泰初卒于官贈太尉舊史列傳

後晉

盧導字熙化范陽人也新五代史列傳少而儒雅美詞翰善談論舊五代史列傳

唐末舉進士為監察御史唐亡事梁累遷左司郎中侍御史知雜

事以病免唐明宗時召拜右諫議大夫遷中書舍人新史列傳應順元

年路王從珂反新史唐紀七自鳳翔以兵犯京師愍帝出奔衛州宰相

李愚馮道集百官于天宮寺將出迎潞王于郊京師大恐都人藏

竄百官久而不集惟導與舍人張昭先至馮道請導草牋勸進新史

傳列傳曰潞王入朝百官班迎新舊史可也設有廢立當俟太后教

令豈可遽擬勸進乎道曰事當務實通鑑二百七十九勸進其可已乎導

曰今天子蒙塵於外遽以大位勸人若潞王守節不回以忠義見

責其將何辭以對且上與潞王皆太后子也不如率百官詣宮門

取太后進止新史道未及對會京城巡檢安從進報曰潞王至矣

安得百寮無班即紛然而去是日潞王未至馮道等止于上陽門

外又令導草勸進牋導執之如初新史言潞王止于上陽門外道

異通鑑取舊史李愚曰舍人之言是也舊史吾輩之罪擢髮不足數

通鑑二百七十九導後事晉為吏部侍郎天福六年卒年七十六新史

曹國珍字彥輔幽州固安人也曾祖霽祖蟾父絢代襲儒素國珍

少值燕薊亂離因落髮被緇客于河西延州高萬興兄弟皆好文

辭新舊史高萬興傳祇言萬興兄弟驍勇有武幹與此異為從事國珍常以文章自許求貢

禮闈且掌書奏期年入為左拾遺累遷至尚書郎每與人交傾財

無恡性頗剛僻經藝史學非其所長好自矜衒多上章疏文字差

誤數數有之為搢紳所誚高祖在藩時常通私謁以兄事之及即

位國珍自比嚴陵上表敘舊由是自吏部郎中拜左諫議大夫給

事中舊五代彰義節度使張彥澤欲殺其子掌書記張式諫止之

通鑑二百八十二彥澤怒剖心決口斷手足而斬之式父詣闕訴國珍伏

闕上疏論彥澤殺式之寃不省新五代史張彥澤傳李崧之母薨遣諸弟護

喪歸葬深州崧既起復乃出北郊路隅設奠公卿大夫皆送喪而

出國珍固爭不行眾咸推其讜直高祖晏駕朝廷以宰臣馮道為

山陵使及靈輜既發國珍上疏言馮道既為山陵使不得復入都

城請除外佐以桑維翰入輔李崧請罷相位俾持喪制少帝覽奏以所言侵越出為陝州行軍司馬至任悒快遘疾卒舊史列傳後漢

李殷薊州人也自後唐莊宗明宗晉高祖朝以偏將遞遷歷官至

檢校司徒累為郡守性沈厚所莅無苛暴之名晉少帝禦契丹于

澶州舊五代史列傳殷率諸軍進發充步軍左右廂都指揮使舊史晉少帝紀還

授鄜州留後俄加檢校太保開運中授定州節度使將行啟少帝

曰臣之此行破敵必矣左右壯其言及至郡威略無聞敵再至首

納降款後隨契丹至常山舊史列傳麻答舊史作耶律嘉哩遣其將楊安及殷

將千騎攻薛懷讓於洺州懷讓嬰城自守安等縱兵大掠會契丹

北遁麻答被逐楊安亦遁去殷以其眾降通鑑二百八十七高祖嘉其首

赴朝闕及魏州平以甘陵乏帥乃命殷為貝州節度使加檢校太

傅乾祐初卒于鎮詔贈太師舊史列傳

劉晞涿州人也父濟雍累為本郡諸邑令長晞少以儒學稱于鄉

里嘗為唐將周德威從事後陷于契丹契丹以漢職縻之天福中

契丹命晞為燕京留守嘗三知貢舉歷官至同平章事兼侍中隨

契丹入汴授洛京留守舊五代史列傳會羣盜攻洛陽晞棄城奔許州蕭

翰遣高謨翰授送晞自許還洛陽帝發北京告諭諸道晞棄洛陽

奔大梁通鑑二百八十七舊史漢紀敘奔東京于還洛之前列

在五月隨蕭翰北歸遂留鎮州漢初與滿達勒同奔定州後卒於

北蕃舊史列傳

劉在明幽州人少有膽氣本州節度使劉守光用為親信出為平

塞軍使守光敗歸太原唐莊宗收為列校明宗時為捧聖左都指

度副使駱從朗知州事通鑑二百八十七高帝踐阼舊史列傳知成德留後白

揮使領和州刺史從幸汴州至滎陽聞朱守殷叛用為前鋒至汴

城率先登城新史朱守殷傳言守殷反遣范延光馳兵傳其城汴

五百自暮疾馳至半夜行二百里戰于城下遲明明宗亦馳至汴兵望見乘輿乃開門而延光先入與此異賊平授汴

州馬步軍都指揮使應順初為貝州刺史明年移趙州兼北面行

營都指揮使以軍戍易州清泰末幽州節度使趙德鈞引軍赴團

柏谷路由易州取在明軍從及德鈞敗在明奔懷州唐末帝令與

萇從簡同守河陽晉祖至舊五代史列傳從簡迎降新史萇彰聖軍執在

明以降帝釋之使復其所通鑑二百八十八事定出為單州刺史天福中李

金全以安州叛在明從李守貞攻之大破淮賊以功授安州防禦

使明年移絳州楊光遠據青州叛召為行營馬步軍都指揮使領

齊州防禦使青州平遷相州留後歷邢州晉州留後舊史列傳通鑑作建雄

留後攷新史職方志天福十二年契丹入汴在明朝于契丹以節

度副使駱從朗知州事通鑑二百八十七高帝踐阼舊史列傳知成德留後白

再榮非將帥才以在明代之通鑑二百八十七乾祐元年以為幽州道馬

步都部署使通鑑二百八十八時契丹守中山在明出師經略契丹乃棄

城去遂授鎮州留後五年授節度使以疾卒贈侍中舊史列傳

王保義本姓劉名去非幽州人少為縣吏粗暴無行習騎射敢鬪

擊劉仁恭之子守奇善射惟去非許以為能守奇以兄守光奪父

位亡入契丹又自契丹奔太原去非皆從之舊五代史天祐九年

舊史莊莊宗伐燕守奇從周德威引軍前進師次涿州舊史從刺

史劉知溫會鎮定之師進營祁溝次涿州刺史劉知溫以城歸順

與通鑑同城守去非大呼於城下謂知溫曰河東小劉郎來為父

討賊何豫汝事而堅守邪守奇免胄勞之知溫拜於城上遂降通鑑

二百六十八德威害其功密告莊宗言守奇心不可保莊宗召守奇還

行次土門去非說守奇曰公不施一兵下涿郡周公以得非已力
必有如簧之間太原不宜往也公家于梁素有君臣之分宜往依
之守奇乃奔梁梁以守奇為滄州留後以去非為河陽軍司馬時
謝彥章移去非為郢州刺史及莊宗平河洛去非棄郡歸高季興
為行軍司馬新史高季興傳仍改姓名自是季興父子倚為腹心
凡守藩規畫出兵方畧言必從之乾祐元年高從誨奏為武泰軍
節度留後依前荆南行軍司馬加檢校太尉後卒于江陵舊史從
誨傳

後周

盧損其先范陽人也少學為文梁開平初舉進士性剛介以高遠
自許與任贊劉昌素薛鈞高總同年擢第所在相詬時人謂之相
罵勝左丞李琪常善待損琪有女弟眇長年婚對不售乃以妻損
損慕琪聲稱納之及琪為輔相致損仕進梁貞明中累遷右司員

外郎

舊五代
史列傳

唐同光二年以吏部員外郎同詳定選司長定格循

資格十道圖時有損人吳延皓取舊名告身求仕事發損貶府州

司戶

舊史莊
宗紀

天成初由兵部郎中史館修撰轉諫議大夫屢上書

言事詞理淺陋不為名流所知唐末帝鎮河中損為加恩使副及
即位用為御史中丞拜命之日以前憲司不能振舉綱領俾風俗

頹壞乃大為條奏有平明放鑰日出守端之語為士人嗤鄙舊史
列傳

清泰元年奏請以月首入閣五日起居依舊又節度使歲薦寮屬
乞行釐革州縣佐差官充馬步判官依舊銜前選補詔從之舊史
唐末

帝

紀有頃誤詳赦書失出罪人停任晉天福中復為右散騎常侍轉

祕書監即拜章辭位乃授戶部尚書致仕退居潁川慕少保李麟
服氣導引乃卜居陽翟茅種藥山衣野服逍遙林圃之間出則

柴車鶴氅自稱具茨山人晚與同輩五六人于大隗山下疏泉鑿

坏為隱誓不復出舊史周廣順元年以為太子少保依前致仕舊史

周太祖三年卒年八十餘贈太子少傅舊史

王進幽州良鄉人也為人勇悍走及奔馬新五代史少落魄不事生

業舊五代史聚徒為盜鄉里患之新史符彥超為河朔郡守舊史以

賂招置麾下彥超鎮安遠軍軍中有變遣進馳奏京師新史明宗

賞其捷足詔隸軍中洎契丹內寇戰于膠口進獨擒六十七人時

漢祖總侍衛親軍知其驍果擢為馬前親校舊史漢祖鎮河東因

以之從每有急遣進馳至京師往返不過五六日由是愈親愛之

累遷奉國軍都指揮使從周太祖起魏遷虎捷右廂都指揮使歷

汝鄭二州防禦使新史亦有政聲俄授相州節度使為政之道頓

減于前議者惜之顯德元年卒于任贈檢校太師舊史

前蜀

盧延讓談苑作延遜漁洋詩話字子善范陽人唐光化中進士受朗

陵雷滿之辟滿敗歸高祖授水部員外郎俄遷給事中十國春秋

林北夢瑣言盧嘗有詩云不同文賦易為是者之乎竟以不稱職數

日而筆學士避暑錄話唐御膳以紅綾餅餠為重昭宗光化中放進

罷官特作二十八餅餠賜之盧延讓在其間後入蜀為學士既老獻

頗為蜀人所易乃作詩云莫欺零落殘牙齒會喫紅綾餅餠來獻

高祖十國春秋改詩卷中有栗爆燒氈破貓跳觸鼎翻之句後

高祖與潘峭在內殿平章邊事令宮人於鑪中煨栗栗爆出燒損

繡褥高祖多疑每於鑪中燒金鼎子惟徐妃二姊妹侍茶湯而已

是夜宮貓誤觸鼎翻高祖曰栗爆燒氈破貓跳觸鼎翻憶延讓詩

有此一聯先輩裁詩信無虛境何光遠明日超拜工部侍郎轉刑

部侍郎卒十國春秋延讓師薛能為詩詞意入癖吳融大奇之於公

卿間稱譽不已唐撫二十五舉北夢瑣言詩話總龜作五以賦

頁天守志百四

四

卷擢第唐撫言卷中有句云狐衝官道過狗觸一作店門開張濬每稱賞之又有餓貓臨鼠穴饒犬錫魚砧之句為成汭所賞北夢瑣言及高祖時復以詩語巧合擢用十國春秋列傳延讓嘗謂人曰平生投謁公卿不意得力於貓兒狗子人聞而笑之北夢瑣言

定遠方孝傑校

人物志十五

光緒順天府志一百五

雜人下

黃岡洪良品纂江陰繆荃孫覆輯

宋

趙安易

劉審瓊

劉廷讓

楊崇勳

劉重進

遼

趙徽

楊遵勛

耶律儼

金

韓常

劉箬

劉樞

馬諷

王蔚

孫卽康

劉頰

完顏霆

李蹊

宋珪

元

王實喇

明

楊善

張敏

殷謙

周壽

子玟 弟或

鄧璋

施純

張禴

史道

趙錦

李偉

子文全 全子銘誠

文貴 文進 銘誠子國

文

冉興讓 梁邦 瑞

方從哲

馮三元

張維 孫隆 金忠

李壽

國朝

馬光遠

馮鈇

孫承澤

劉餘祐

宋

趙安易字季和普弟初為府州錄事參軍遷河南推官折德展言

其清 宋史附 趙普傳 會普居相位十年不赴調 宋史列傳 太平興國中拜監察

御史知興元府轉殿中侍御史賜緋魚袋 宏簡錄 先是兩川民輸稅

者以鐵錢易銅錢 宋史列傳 鐵錢十納銅錢一時銅錢已竭民甚苦之

商賈爭以銅錢入川界與民互市銅錢一得鐵錢十四物價滋長

鐵錢彌賤 宋食貨志 安易言其非便請許納鐵錢詔從之九年起拜宗

正少卿知定州會以曹璨知州徙安易為通判未幾代歸又表外

任命知耀州留不遣命按視北邊事 宋史列傳 淳化二年安易言嘗使

蜀見所用鐵錢至輕市羅一匹為錢二萬堅請改鑄一當十大錢

御書錢式遣詣川陝路諸州冶鑄所在並為御書錢監諸州舊貯

小鐵錢悉輦送官民間小錢許送監計數給以大錢若改鑄未集

許民大小兼用宋食貨志下都省集議宋史眾皆以為不便宋食貨志而安

易論請不已仍募工鑄大錢百餘進之極其精好俄墜殿階皆碎

太宗不之詰猶嘉其用心賜以金紫且遣其典鑄既而大有虧耗

宋史列傳一歲纔成三千餘貫宋食貨志眾議喧然宋史列傳遂罷冶鑄五年安

易復請不許宋食貨志歷知襄廬二州遷宗正卿時屬籍未備奏請纂

錄命與梁周翰同修宏簡錄安易略涉書傳性強狠好談世務而疏

濶不可用初太祖嘗問農政安易請復井田之制又以其家本燕

薊多訪以邊事景德初宋史列傳詳定明德皇太后立主升祔與判院

孫何議論往復宏簡錄何等上言安易荒唐庸昧妄有援引以大功

之親比三年之制欺罔君上乃至於斯况安易以訐直自負所詆

者無非良善以清要自高所尚者無非鄙俗名宦之志老而益堅

詩書之文懵而不習本院所議並明稱典故旁考時宜雖曰從權

粗亦稽古請依元議施行從之安易又屢言陵廟事詞多鄙俚宋史

列傳晚歲進趨不已時論嗤之卒年七十六子承度國子博士孫從

政奉禮郎宏簡錄案宋史列傳作太常寺奉禮郎

劉審瓊涿州范陽人家素貧漢乾祐中宋史列傳湘陰公贊為徐州

節度使舊五代史湘陰公贊傳審瓊始隸帳下周祖受命遁去依永興軍節

度使劉詞頗委任之詞卒屬太祖節鎮給事左右及受周禪補殿

直從平澤潞改供奉官開寶中累遷至軍器庫使宋史列傳樞密使李

崇矩與宰相趙普厚相交結有鄭伸者客崇矩門下崇矩知其險

詖無行待之漸薄伸怨恨擊登聞鼓告崇矩受太原人席羲叟黃

金私託翰林學士扈蒙與羲叟甲科續資治通鑑四引審瓊為證宋史列傳帝

大怒召審瓊詰問審瓊具言其誣帝怒稍解續資治通鑑遂出知鎮州

宋史列傳大平興國四年續資治通鑑按宋史作七年攷太宗征河

東係四年事今依資治通鑑稽古錄改正

正月庚寅詔先遣潘美將兵伐河東三月庚辰朔至真定稽古錄駐

蹕月餘審瓊儲侍無闕遷領檀州刺史知潭州州素多火日調民

積水為防民甚勞之審瓊至悉罷之以為民便宋史列傳徙知河陽遷

坊州刺史涿州吳志年八十餘筋力不衰鬚髮黧黑至道三年卒於官

宋史列傳劉廷讓字光父其先涿州范陽人宋史列傳滄州節度守文之孫一統志

案宋史本紀太祖伐蜀有劉光義太祖拒遼有劉廷讓又考列傳

劉廷讓本名光義後避太宗諱更名因即以原名為字而改義從

父史特未之詳耳薛應旂以父廷進避守光之亂與廷讓皆南奔

光義廷讓為兩人殊失考核宏簡錄百廣順初補內殿直押班累

廷讓少有膂力隸周祖帳下二十二遷龍捷都校從世宗征淮南以功領雷州刺史再遷涪州團練使

領鐵騎右廂宋初轉江州防禦使領龍捷右廂從征李筠為行營

先鋒使宋史列傳建隆二年改侍衛馬軍都指揮領江甯軍節度使宏簡

錄乾德二年興師伐蜀命王全斌為西州行營都部署廷讓副之

案原作光將步騎六萬分道伐蜀廷讓及彬等由歸州進通鑑輯覽七十

二入境連破松木三會巫山等砦獲蜀將南光海擒戰權指揮袁

德宏奪戰艦三百餘艘俘水軍三千人因渡南岸復斬首三千餘

級宏簡錄初夔州有鑠江為浮梁上設敵棚三重夾江列礮具廷讓

等行帝示以地圖指鑠江曰我軍泝流至此慎勿以舟師爭勝當

先以步騎陸行襲擊之俟其勢却即以戰權夾攻取之必矣及師

至夔距鑠江三十里舍舟步進先奪浮梁復牽舟而上宋史紀事本末守

將高彥儔宋史列傳謂監軍武守謙曰北軍涉遠而來利在速戰不如

堅壁以待之彥儔力戰不勝自焚死後數日廷讓得其骨於灰燼

中以禮葬之宋史紀事本末遂進克萬施開忠四州峽中郡縣悉下次遂

州守將陳愈率吏民來降遵命出府庫金帛以犒將士宏簡錄初出

師太祖命之曰所得郡縣當傾帑藏為朕賞戰士國家所收唯土疆爾故人皆効命所至成功蜀平王全斌等皆坐縱部下掠奪子女玉帛及納賄賂左降惟廷讓秋毫無犯及全師雄作亂宋史縣爭應崔彥進高彥暉等為師雄所敗通鑑廷讓又與曹彬破之以功改領鎮安軍節度宋史征太原拜鎮甯軍節度使太宗召為右驍衛上將軍北征失律罷節鎮居環列既而契丹擾邊議遣將因擢知雄州徙瀛州為兵馬都部署宏簡是冬契丹數萬騎來侵廷讓與戰君子館時天大寒兵士弓弩皆不能發契丹圍廷讓數重宋史初廷讓分精兵屬李繼隆為後殿令緩急相援及是繼隆退保樂壽廷讓一軍皆沒僅以數騎獲免詣闕待罪上知為繼隆所誤不之責復命知雄州有疾求歸京師不俟報遽離屯所帝怒下臺按問削秩配隸商州遂怏怏不食終于華州年五十九宏簡

帝錄其舊勳贈太師

宋史

楊崇勳字寶臣薊州人

案東都事略五十作蘇州人而宋史宏簡錄薊州志皆作薊州人今從之

祖守

斌事太祖為龍捷指揮使父全美事太宗為殿前指揮使宋史

勳初蔭為東西班承旨事真宗於東宮

宏簡錄百二十八

真宗為開封尹

呼通衢中鐵盤寺一瞽者令張耆夏守斌及崇勳左右數輩揣聽

聲骨因以為娛

玉壺清話六

帝嘗曰聞若嗜學吾授若書崇勳自是稍

通兵法及前代廢興之事

宋史真宗即位授左侍禁東都事略五十西頭

供奉官寄班祇候

宏簡

雷有終討王均宋史斬其首獲僭偽法物

旌旗甲馬甚眾擒其黨六十餘人賊既平遣崇勳乘傳告捷賜崇

勳錦袍銀帶器幣

宋史

擢內殿崇班累遷西上閤門使羣牧都

監改副使以左衛大將軍恩州刺史為樞密都承旨尋提舉樞密

諸房通進銀臺司事

宋史

未幾領英州防禦使

宏簡

寇準罷相真

宗寢疾仁宗在東宮

東都事略

宦者周懷政東宮官也陰謀奉帝為太

上皇而傳位太子殺丁謂而復相準崇勳以其謀告謂謂即微服

夜乘犢車挾崇勳詣曹利用議明日以聞

通鑑

遂誅懷政擢崇勳

鄧州觀察使辭不拜以內客省使桂州觀察使兼羣牧使屬天下

久罷兵有言鬻廐馬者崇勳曰馬者兵之用而戰之備也雖無事

其可去耶議遂格

東都事略

仁宗即位歷馬軍副都指揮使殿前都指

揮使振武軍節度使拜宣徽南院兼樞密副使宮中火為修葺副

使

宋史

嘗詣中書白事而崇勳穿泥鄴登政事堂宰相王曾劾其

失詔送宣徽院問狀翼日曾請傳詔釋其罪章獻后問其故曾曰

崇勳武臣不知朝廷之儀舉奏者宰相所以振紀綱寬釋者人君

所以示恩德如此則仁愛歸於上而威令肅於下矣

東都事略

章獻與

仁宗言先帝最稱崇勳質信可任大事乃進樞密使

宋史

坐上章

懿后册邀宰相張士遜過園亭飲酒中丞范諷劾罷以同平章事

領節河陽三城判許州改陳州

宏簡錄

崇勳性貪鄙在藩鎮日嘗役

兵工作木偶戲人塗以丹白舟載鬻於京師

宋史

喜中傷人每對

上輒肆言中外事人以是畏之

宏簡錄

既加使相而論者以為寵太

過周懷政之弟懷信訟崇勳誣其兄乃罷平章事知壽州

東都事略

契丹將渝盟朝廷選將備邊復拜同平章事判定州以老不任事徙

成德軍又徙鄭州

宏簡錄

坐其子宗誨納賂枉法以左衛上將軍致

仕改太子太保卒

宋史

年七十贈太尉有司諡曰恭密詔更為恭

毅崇勳口給狡桀而於御軍頗有法

東都事略

劉重進幽州人本名晏僧梁末隸軍籍善譯語無他才能值契丹

入中原

宋史

晉主事契丹甚謹奉表稱臣吉凶慶弔歲時贈遺玩

好珍異相繼於道

通鑑

二百

重進以習契丹語應募使北邊改右

好珍異相繼於道

通鑑

二百

重進以習契丹語應募使北邊改右

班殿直因賜是名遷西頭供奉官再使契丹契丹主以其敏慧留

為帳前通事宋史列傳契丹滅晉新五代史晉出帝紀署重進忠武軍節度漢初

移鎮鄧州漢法禁牛革甚嚴州民崔彥陳寶選八人自本鎮持革

詣漢祖廟鞞鼓重進杖遣之判官史在德謂重進不善用法宜置

極典及大理刑部詳覆重進所斷為是在德坐故入杖死之乾祐

末罷鎮來朝宋史列傳漢主聞郭威舉兵南向議發兵拒之聞郭威已

至河上復遣重進帥禁軍與侯益等會屯赤岡通鑑二百八十五威至封

印人情洵懼稍稍降於北軍重進潛往見郭威威各遣還營通鑑紀事

本末周廣順初從征兗州宋史列傳設長圍慕容彥超屢出戰皆擊敗之

通鑑紀事本末封薛國公俄召為右神武統軍累加檢校太師世宗南征

為右廂排陣使顯德三年宋史列傳帝訶知揚州無備通鑑二百八十六遣韓

令坤與重進宋史列傳將兵襲之通鑑二百八十六以數騎馳入城城中不之

覺通鑑紀事本末又為先鋒都部署宋史列傳攻唐泰州拔之刺史方訥奔金

陵通鑑紀事本末初楊行密子孫居海陵號永甯宮周師渡淮盡為李景

所殺重進入其家得玉硯玉杯盤水晶盞碼碯碗翡翠瓶以獻俄

命判廬州行府事兼行營都部署敗淮人千餘於州境及世宗再

巡宋史列傳渡淮抵壽春城下軍於紫金山南擊唐先鋒寨及山北一

寨皆破之通鑑二百八十七重進殺三千餘眾宋史列傳由是唐兵首尾不能

相救通鑑二百八十七及下壽州以功授武勝軍節度使淮南平改鎮邠

州世宗北征為先鋒都指揮使關南既復宴諸將於行宮議取幽

州諸將以為虜騎皆聚幽州之北未宜深入上不悅是日趣重進

先發據固安宋初封燕國公建隆二年授右羽林統軍乾德五年

改左領軍衛上將軍嘗從幸玉津園太祖召與語既退謂左右曰

觀重進應對不逮常人前朝以為將帥何足重耶六年卒年七十

宋史
列傳

遼

趙徽南京人遼史列傳重熙五年興宗親試進士賦以日射三十六熊

為題賜徽及第授右補闕累遷大理正宏簡錄二百十清甯二年銅州人

妄毀三教徽按鞠之以狀聞稱旨歷煩劇有能名累遷翰林學士

承旨咸雍初為度支使三年拜參知政事出為武定軍節度使及

代軍民請留遼史列傳太康元年由樞密院同知進南府宰相兼門下

侍郎平章事二年致仕卒追贈中書令諡文憲宏簡錄

楊遵勛字益誠涿州范陽人重熙十九年登進士第調儒州軍事

判官累遷樞密院副承旨咸雍三年為宋國賀正使還遷都承旨

遼史列傳簿書叢委遵勛一目五行俱下剖決如流敷奏詳敏上嘉之

奉詔徵戶部逋錢得四十餘萬緡拜樞密直學士改樞密副使宏簡

錄百太康初參知政事徙知樞密院事兼門下侍郎平章事拜南

府宰相耶律伊遜原作乙辛誣太子詔遵勛與雅克原作燕哥案其事遵勛

不敢正言時議短之尋拜北府宰相遼史列傳大安中暴卒年五十六

贈守司空諡康懿子晦終昭文館學士宏簡錄

耶律儼字若思析津人本姓李氏父仲僖重熙中始仕清甯初同

知南院宣徽使事四年城鴨子混同二水間拜北院宣徽使咸雍

初坐誤奏事出為榆州刺史俄詔復舊職遷漢人行宮都部署遼史

列傳賜姓耶律封韓國公九年改南院樞密使宏簡錄二百十時樞臣伊遜

原作乙辛等遼史列傳以事誣皇后皇后既死伊遜不日安又欲害太子遼史

傳臣諒與仲僖同鞫莫引無辜未嘗雪正遂得薦拔拜廣德軍節

度使尋卒諡欽惠宏簡錄儼儀觀秀整好學有詩名登咸雍進士第

守著作佐郎補中書省令史以勤敏稱太康初歷都部署判官將

作少監後兩府奏事論羣臣優劣唯稱儼才俊改少府少監知大

理正賜紫六年遷大理少卿奏讞詳平明年升大理卿丁父憂奪

服同僉部署司事遼史大安初為景州刺史繩胥徒禁豪猾善政

流播郡人刻石頌德畿輔唐志二十二年改御史中丞詔案上京滯獄

多所平反擢宣徽院事仍提點大理寺六年冬改山西路都轉運

使刮剔垢弊奏定課額益州縣俸給事皆施行壽隆初以母憂去

召復舊職宋攻夏李乾順遣使求和解帝命儼如宋平之還拜參

知政事六年駕幸鴛鴦濼召至內殿訪以政事道宗晚年倦勤用

人不能自擇令各擲骰子以采勝者官之宏簡錄儼嘗得勝采上曰

上相之徵也遷知樞密院事賜經邦佐運功臣封越國公修皇朝

實錄七十卷帝大漸儼與北院樞密使阿蘇原作阿思同受顧命乾統

三年徙封秦國六年封漆水郡王天慶中以疾命乘小車入朝疾

甚遣太醫視之薨贈尚父諡曰忠毅遼史儼為人性素廉潔一介

不取於人經籍一覽成誦然專務逢迎善伺人主意固結上心他

勿恤也宏簡錄妻邢氏有美色嘗出入禁中儼教之曰慎勿失上意

由是權寵益固遼史人以是薄之從子處溫宏簡錄自有傳

金

韓常字元吉燕山人也父慶和在遼為統軍太祖入燕常隨父降

俱受千戶慶和入侵江南舉戰有功後授副統屯真定正授雄州

觀察使大金國志常善射以挽強見稱射必入鐵大金國志守慶源見

小民有衣犢鼻者亦責以漢服斬之大金國志宗弼渡江常為先

鋒至湖南與向子諲戰子諲不能敵攻圍八日城破宗弼自江黃

南渡令常竟趨衢信以為援兵宗弼攻明州常以兵從與張俊戰

于高橋俊遁宗弼自江南歸論功仍陞為萬戶都統屯河中府未

幾隨之陝西大金國志列傳與張浚戰于富平宗弼陷重圍中流矢中常

目怒拔去其矢血淋漓以土塞創躍馬奮呼搏戰遂解圍金史宗弼傳

以此受知於宗弼首尾陝西凡數年必隨從其後順昌之戰常在

白龍洲渦下寨距城三十里宋劉錡以千餘騎擊之眾頗死傷宗

弼既敗大金國志列傳至陳州數諸將之罪自常以下皆鞭之于是復以

常守許州大金國志本紀十一案列方宗弼未南征之先常為

濬州守一日與其判官宮茵論南北兵戰之事茵曰此非南之所

能敵蓋諛之也常曰不然今昔事異昔我強彼弱今我弱彼強所

幸者南人未知北間事耳至順昌之敗其言果驗大金國志列傳

劉筈大興宛平人彥宗次子幼時以廕隸閤門不就去從學遼末

調兵而筈在選中遼兵敗左右多散亡乃選筈為扈從授左承制

遼主西奔蕭妃攝政賜筈進士第授尚書左司員外郎寄班閤門

天輔七年太祖取燕筈從其父兄出降遷尚書左司郎中金史至

殿中少監太祖崩宋夏遣使弔慰凡館見禮儀皆筈詳定遷衛尉

少卿西上閣門使仍從事元帥府得便宜從事凡約束廢置及四

方號令多從經畫焉天會二年遷太常少卿東上閣門使宏簡錄

十從宗翰伐宋圍太原遷衛尉卿權簽宣徽院事四年授左諫議

大夫秋復南征權中書省樞密院事金史列傳父憂起復直樞密院加

給事中七年為禮部侍郎十年改彰信軍節度使天眷二年轉左

宣徽使熙宗幸燕法駕儀仗討論為多宏簡錄皇統二年三月遣筈

以袞冕圭册册宋康王為帝金史熙宗紀案列傳既至臨安而

宋人勝其居曰行宮筈曰未受命而名行宮非也請去勝而後行

禮金史列傳宋人欲結以厚賄不顧五年為行臺右丞相兼判左宣徽

事留京師宏簡錄或請釐革河南官吏之濫雜者筈曰廢齊用兵江

表求一切近效其所用人不必皆以章程故有不由科目而為大吏不試弓馬而握兵柄者今撫定未久姑收人心奈何為是紛更也遂仍其舊七年帥府議於館陶築三城金史列傳有警即令北軍入居之箐曰今天下一家孰為南北設或有變軍人入城獨能安無恙耶惟當嚴示武備以察奸宄無徒分別彼此之間時秦人在夏國者數千皆願來歸諸將約以河外三州賜之宏簡錄箐曰三小州不足為輕重恐失朝廷大信且秦人之在蜀者倍多於此何獨捨彼而取此乎遂從箐議陝西邊帥請完沿邊城郭以備南寇箐曰我利車騎而不利城守今城之則勞民而結怨况盟已定豈可妄動遂罷之九年八月金史列傳以箐為司空行臺右丞相如故金史宗紀九月拜平章政事封吳國公天德元年改封滕王二年拜右丞相兼中書令進封鄭王宏簡錄以疾求解政務授燕京留守進封曹王

箐自為宣徽使以能得悼后意致位宰相海陵即位意頗鄙之金史列傳居數月乞致仕詔曰不為暗於臨事不為諂於事君未許告歸

姑從解職箐因是慚懼卒宏簡錄年五十八金史列傳

劉樞字居中通州三河人少以良家子從軍屯河間同輩皆騎射樞獨刻意經史金史列傳天眷二年成進士仕唐山縣主簿轉飛狐令

時蔚州刺史恃功貪汙三河陳志無所顧忌屬邑皆厭苦之樞一無所應乃撫以他事繫獄將致之死金史列傳會廉察使至得直抵刺史并

卒以下罪宏簡錄獨樞錄治狀入優等躡遷奉直大夫金史列傳張

浩營建燕京宮室選樞分治工役遷刑部員外郎鞫治太原尹圖克坦額略楚克原作徒單反狀旬日獄具轉工部郎中宏簡錄進本

部侍郎正隆末從軍還自江上大定初出為西京路轉運使事初世宗欲復用樞等御史臺奏樞等在正隆時皆以巧進敗法蠹政

人多怨嫉之上以樞等頗幹濟猶用之戒之曰能悛心改過必加
升擢不然則斥汝等矣是時珠勒根彥忠為南京轉運不閑吏事
故用樞以佐之遷山東路轉運使金史列傳又轉中都路轉運使大定
四年卒於官三河陳志

馬諷字良弼大興朔陰人一統志隨燕入宋游學汴梁登宣和六年
進士宗翰克汴京諷來歸宏簡錄二百三十七皇統初復登進士一統志調蔚

州廣靈丞遷雄州歸信令境有河曰八尺口每秋潦漲溢害民田
諷視地高下疏決之其患遂息召為尚書省令史除獻州刺史天
德初改甯州民有告謀不軌者株連數十百人諷察其無狀乃究
問告者告者具伏其誣眾歡呼感泣再遷南京副留守入為大理
少卿是時高禎為御史大夫金史列傳久在臺彈劾無所避每對必以
區別流品進善退惡為言當路者忌之金史高禎傳乃以諷及張忠輔

為中丞金史列傳二人皆險詖深刻欲令以事中禎金史高禎傳與禎不能

絲髮相假借禎畏其害已因訴於海陵海陵以禎太祖舊臣每慰
安之諷改大理卿歲餘出為順天軍節度使大定二年復為大理

卿遷刑部尚書改忠順軍節度使致仕卒金史列傳

王蔚字叔文香河人一統志登皇統二年進士第金史列傳性通敏曉析

吏事調良鄉丞治績優等宏簡錄二百三十六補尚書省令史知管差除尋

授都事以喪去起復行左司員外郎遷郎中金史列傳世宗即位御史

劾奏蔚與工部侍郎劉樞右司員外郎王全在正隆時皆以巧進
敗法蠹政人多怨疾宏簡錄大定二年起受河東北路轉運使上猶

欲用使諭旨曰汝在海陵時行事多不法然朕素知爾才幹欲授
以內除而憲臺有言以是補外如能澡心易行必當升擢否則勿
望再用既而廉察為第一授中都路都轉運使金史列傳入為吏部尚

書以斷護衛出職事不當奪官一階復出知河中府事遷南京留
守宏簡錄十五年拜參知政事蔚懇辭不任負荷勅諭之曰卿但履

正奉公無或阿順何以辭為十六年出知真定府事累轉知河中
府明昌元年召拜尚書右丞致仕卒金史列傳

孫卽康字安伯先世滄州當石晉末占籍析津卽康登大定十年
進士累除尚書省令史章宗為相識之卽位遷戶部員外郎宏簡錄二

百二明昌三年同鹽司官議軍民犯私鹽三百里內者鹽司按罪
遠者付提點所皆徵捕獲之賞於販造者明安穆昆部人煎販及

盜者所管官論贖三犯杖之能捕獲則免罪又濱州渤海縣永和
鎮去州遠恐藏盜及私鹽可改為永豐鎮與曹子山村各創設巡

檢山東寶坻滄州鹽司判官乞陞為從七品用進士上命明安穆
昆杖者再議餘皆從之金史食貨志除耀州刺史入為吏部左司郎中

上謂宰臣曰孫卽康向為省掾言語拙訥今才力大進非向時比
也宰臣因曰卽康年已高幸及早用之上問年幾何矣對曰五十

六歲上復問其才何如張萬公守貞對曰卽康過之金史列傳上曰視
萬公稍為通耳乃遷御史中丞鞫問鎬王永中事宏簡錄永中父子

皆死時論冤之金史列傳頃之遷泰甯軍節度使改知延安府事承安
五年上問司空襄今漢官誰可用者因舉卽康宏簡錄上乃復召為

御史中丞泰和三年除參知政事明年進尚書右丞六年宋渝盟
有端大臣猶以小盜竊發不足恤卽康以為必當用兵上以為然

金史列傳復進左丞上問本朝太宗廟諱同音字有讀作成字者既非
同音便不當缺點畫唐太宗諱世民偏傍犯如葉字作茶字氓字

作氓字今太祖諸子避睿宗廟諱名上皆加山為崇字其下却有
本文卽康乃擬熙宗廟諱從面從且睿宗廟諱上字依蘭亭帖示

皇天所命二百五

作未字世宗廟諱從系顯宗廟諱如統傍之充正犯字形止書斜

畫沈字銳字各從口為兌悅自此不勝曲避矣與宋議和進官一

階在任無所救正宏簡錄舊制尚書令史考滿優調次任回降會崔

建昌已優調興平軍節度副使未回降即除大理司直詔知除郭

邦傑李蹊杖七十勒停左司員外郎高庭玉決四十解職即康待

罪有詔勿問金史列傳衛紹王即位進拜平章政事封崇國公時論病

其阿諛詭隨驟取相位以斗筭目之大安三年致仕卒遣使致祭

宏簡錄

劉頰字元矩金史列傳大興宛平人金史劉彥宗傳以大臣子孫充閣門祇候

調莘縣令召為承奉班都知遷西上閣門副使兼宮苑令金史列傳由

西上閣門副使遷閣門使泰和二年宋盱眙軍報明年賀正旦使

魯館楊明輝及過界副使乃王處久入見魯館上殿又不雙跪詔

頰就閣詰問先報名銜楊明輝後改王處久故不及報館拜時並

雙跪因足有疾似單跪者宏簡錄二百二十八初南苑有唐舊碑書貞元十

年御史大夫劉忬葬上見之曰苑中不宜有墓頰家本忬後詔賜

頰錢三百貫改葬之三遷右宣徽使貞祐二年轉左宣徽使明年

致仕遷一官上曰卿舊人也今朝廷多故豈宜去位朕自東宮薨

後思慮不周俟稍甯息即以上郡處卿金史列傳頃乃起知開封再請

老未半歲復為御史中丞詔安撫河南路捕盜賊坐叢飲解職復

起為太子詹事遷太子少師宏簡錄詹事院欲闢廣東宮周牆頰請

於皇太子曰師旅饑饉之際何為興此役遂止尋卒金史列傳

完顏霆本姓李名二指中都寶坻人粗知書善騎射輕財好施得

鄉曲之譽貞祐初縣人共推為四鄉部頭招集離散糾合義兵眾

賴以安招撫司奏其事遷霆兩官與弟雲率眾數千巡邏固安永

清間遙授寶坻縣丞光義軍都統劉璋說霆使出降霆縛送經略

司遷三階攝寶坻令陞都提控遙授同知通州軍州事宏簡錄二百三十二

中都食盡霆遣軍分護清滄河路召募賈船通餉道遙授同知清

州防禦事從河北路宣撫使完顏仲元保清滄遙授通州刺史河

北東路行軍提控佩金牌金史列傳金牌舊制非宣撫副使不得佩蓋

特典也寶坻洪志仲元奏臣軍三萬管軍官三人皆至五品乞各賜金

牌金史列傳廷議霆輩忠勇絕人遂與之宏簡錄改大名路提控復取玉

田三河香河三縣金史列傳副將孫江以滄州降於王楫將兵圍觀州

寶坻洪志霆乃詐作書與孫江約同取滄州者王楫得其書果疑孫江

與霆有謀召江還殺之霆乃定觀州而還進官三階充濱棧行軍

都提控未幾遙授同知益都府事知宣差都提控遷棧州防禦使

賜姓完顏氏屯海州俄權單州經略司事充宣差總領提控金史列傳

興定元年四月濟南泰安滕兗等州土寇盜起肆行剽掠宏簡錄東

平行省侯摯遣霆率兵討之金史列傳招降石花五夏全餘黨二萬人

老幼五萬口充權海州經略副使紅襖賊于忙兒寇海州霆擊走

之二年宋高太尉兵二萬駐胸山霆軍乏糧采野菜麥苗雜食之

宋兵柵胸山下隔湖港霆就港中作暗橋遣萬戶胡仲珪副統劉

贊率死士由暗橋登山霆率兵四千人趨山下約以昏時舉火為

期上下夾擊宋兵大敗墜澗溺水死者不可勝計斬高太尉彭元

帥於陣餘眾潰去宏簡錄遷安化軍節度使經略副使如故以其子

為符寶典書四年改集慶軍節度使兼同知歸德府事五年改定

國軍節度使兼同知京兆府事擢其子為護衛金史列傳元光元年宣

宗立行省博索原作白撒奏京兆南山密邇宋境官民遷避其間者無

慮百萬人可遣官鎮撫庶幾不生他變十月霆以本官為安撫守

同知歸德府惟宏大司農丞郭皓為副使分護百姓之遷南山者
明年卒宏簡錄

李蹊字質之大興人少擢第通吏事能官南渡為左司郎中遷吏

部侍郎為蒲察合住所陷下獄當死詔釋之後為大司徒正大初

拜參知政事進左右丞專掌財賦歸潛志三月北兵迫南京上下震

恐歸潛志封荆王子額爾克為曹王議以為質命蹊送曹王出質

金哀宗時京師被圍數月倉廩空虛坐糧不給下獄已而免死除名

歸潛志久之起為工部尚書權知政事歸潛志十二月丙子朔以事

勢危急甲申詔議親出以蹊權尚書左丞率軍扈從金宣宗河北潰

兵至歸德知府實嘉紐勒歡原作石蓋以軍眾食寡懼不能給請

於上令就糧徐宿陳三州惟留官努忠孝軍四百五十與馬用軍

七百人于府中官努既總兵柄私與國用安謀欲邀上幸海州紐

勒歡復沮之官努遂萌異心蹊言官努有反狀宏簡錄二戊辰官

努以忠孝軍為亂遂殺蹊金哀宗二年正月京城西面元帥崔立與

其黨韓鐸藥安國等降元蹊舊以取積聞其妻子皆被榜掠拷訊

死歸潛志

宋珪本名乞奴燕人也為內侍殿頭金史與潘守恒素號知書識

大體南渡後規益甚多宏簡錄二宣宗嘗以元夕欲觀燈戲命乞

奴監作乞奴諄語云社稷棄之中都南京作燈戲有何看耶宣宗

微聞之杖之二十既而悔之有旨宣諭哀宗放鵓逸去勅近侍追

訪之市中一農民臂此鵓金史百方求索不與易以物直乃得欲

送有司治罪宏簡錄乞奴從旁諫曰貴畜賤人豈可宣示四方哀宗

惡其大許又杖之金史尋亦悔賜物慰遣宏簡錄及哀宗至歸德馬

軍元師富察官努金史以忠孝軍為亂殺尚書左丞李蹊參知政

事

事實嘉紐勒歡點檢圖克坦長樂從官已下三百餘人金哀宗紀

不得已以官努權參知政事金史官努以上居照碧堂禁羣臣無

一人敢奏對者上日悲泣言曰自古無不亡之國不死之主但恨

朕不知用人致為此奴所囚耳遂與珪等謀誅官努金哀宗紀官努往

亳州珪與奉御烏克遜原作烏古孫愛實納喇原作蘭奇塔特原作怗答密定

謀計令裴滿抄合召進議事宏簡錄富察官努傳官努入見珪等即從旁殺

之及蔡城破金史城中軍不能禦帝自縊于幽蘭軒金哀宗紀珪與完

顏色埒默焦春和皆從死金史

元

王實喇原作昔刺保定人初事世祖以其有勇略遂賜名實喇巴圖原作

昔刺拔都從攻釣魚山及額埒布格累功賜金符授武衛親

軍千戶中統三年從征李壇於濟南屢捷四年春元帥阿珠駐兵

河南遣實喇將蒙古漢軍復立宿州至元六年賜虎符升海州萬

戶引兵攻鹽林山寨多所俘獲十年授東川行樞密院同僉十五

年征夔府有功十六年徙鎮萬州卒于軍元史子宏甯繼輔唐志

宏先佩金符為左衛千戶及樞密院擬甯襲武職甯讓其兄宏於

是授宏中衛都指揮使佩父虎符而以甯代宏為千戶佩金符甯

從阿爾台哈達遜北征追擊托克托穆爾之軍於阿納爾圖原作

阿納阿師還又從拜奇頁勒密實原作別急等擊賊威喇斬首百餘級

復從和爾果斯北征有功升右衛新軍總管後改前衛都指揮使

司僉事子處恭襲宏職仕至侍御史元史

明

楊善字思敬大興人繼輔唐志年十七為諸生明史不甚通經術

而性沉敏能為人策事舟州續藁成祖起兵預城守有勞授典儀

所引禮舍人永樂元年改鴻臚寺序班累進右寺丞仁宗即位擢本寺卿明史列傳善偉風儀工舉止音吐如洪鐘每朝謁引進奏時上

目屬之而又重文翰與學士楊士奇楊榮善既家都城以積貯起貲治居第郭外有園亭花木之屬諸公休沐有所宴賞則善家若

歸又時時饋遺名果餌不絕以是大得公卿聲聞而中貴人亦多好之者弁州續藁八十七宣德六年被劾下獄褫冠帶踰月正統六年子

容詐作中官書假金於尚書吳中事覺謫戍威遠衛置善不問久之擢禮部左侍郎仍視鴻臚事十四年八月扈駕北征明史列傳至土

木師潰弁州續藁八十七善間行得脫明史列傳達京師時已六十五矣足賦不為倦弁州續藁八十七冬十月也先犯京師通鑑綱目三編七改左副都御史

與都督王通提督京城守備寇退進右都御史景泰元年廷臣朝正畢循故事相賀於朝房明史列傳善獨流涕曰此何時也太上皇帝

何所而我曹稱賀耶眾愧為之止弁州續藁八十五是年夏李實羅綺使

瓦刺議罷兵未還明史列傳會脫脫不花亦遣使皮兒馬黑麻請和明史列傳三十二 廷臣皆言宜使往報太監興安出呼羣臣曰公等欲報

使孰為富弼文天祥者通鑑輯覽一百四善慨然請行人皆危善善曰上皇在沙漠此為臣者效命之秋也中書舍人趙榮亦請往乃遣善

榮及指揮王息干戶湯允勣同皮兒馬黑麻往道遇實實告以故善曰得之矣即勅書所無可權以集事也實既還朝具述也先情

及上皇起居狀紀事本末三十三廷議請更遣大臣帝曰楊善既去不必更遣通鑑輯覽一百四初尚書胡濙等言上皇蒙塵久御用服食宜付善

等隨行不報善奉使齎賜也先金帛外餘無他賜善乃出家財明史列傳不足則貸之中貴人悉益市綺繡師比阿錫女紅線釵之類以

往弁州續藁八十七既至館伴田氏亦中國人留飲帳中善與相得明史列傳

詫善曰土木之役六師何怯也善曰彼時官軍壯者悉南征王司禮邀大駕幸其里不為戰備故令汝得志耳今南征將士歸可二十萬又募中外材官技擊可三十萬悉教以神鎗火器藥弩中百步外洞人馬腹立死又用策士言緣邊要害隱鐵錐三尺馬蹄踐輒穿又刺客林立夜度營幕若猿猴伴色動善曰惜哉今皆置無用矣問何故曰和議成歡好且若兄弟安用此因以所齎遺之其人喜悉以語也先明日見也先又大有所遺也先亦喜明紀十五善因詰之曰太上皇帝朝太師遣貢使必三千人歲必再資金幣載途背盟見攻何也通鑑輯覽一百四也先曰奈何削我馬價予帛多翦裂前後使人往多不歸又減歲賜明史列傳善曰非削也太師馬歲增而不忍拒故微損之太師自度價比前孰多帛翦裂者通事為之即太師貢馬有劣弱貂或敝豈太師意耶且使者多至三四千人有為

盜或犯他法故自亡去留之何用貢使受宴賜朝廷核實與之所

減乃虛數耳通鑑綱目三編七也先又問市釜事善言此小民市易朝廷

豈知善因歷述累朝恩遇之厚不可忘且言天道好生今縱兵殺

掠上千天怒明史紀事本末三十三太師再攻我屠戮數十萬太師部曲死

傷亦不少矣今還上皇和好如故中國金幣日至不亦美乎通鑑綱目

三編七也先曰敕書何以無奉迎語善曰此欲成太師令名使自為

之也先大喜明史列傳也先問上皇還更臨御否善言天位已定不得

再易也先問古堯舜如何善言堯讓位於舜今日兄讓位於弟也

先悅服明史紀事本末三十三其平章昂克問善何不以重寶來購善曰若

齎貨來人謂太師圖利今不爾乃見太師仁義為好男子垂史策

頌揚萬世也先笑稱善明紀十五伯顏帖木耳勸也先留善而遣使要

上皇復位也先懼失信不可明史列傳即日引善見上皇遂設宴餞上

皇行也先席地彈琵琶妻妾奉酒顧善曰都御史坐善不敢坐上皇曰太師著坐便坐善承旨坐即起周旋其間也先顧善曰有禮明紀遂以輕騎奉太上皇與善歸弁州續藁時舉朝競奇善功而景帝以非初遣旨薄其賞遷左都御史明史善始事王振後更事曹吉祥等而與石亨比會景帝病善伺知亨吉祥有迎太上皇謀遂與之合而發南宮錮太上皇即位論善功封奉天翊衛推誠宣力武臣特進光祿大夫柱國與濟伯尋加號守正改文臣歲祿一千二百石予誥券世承襲弁州續藁尚書胡濙頌迎駕功命兼禮部尚書兼使瓦剌攜子四人行至是並得官又為從子養子乞恩得官者復十數人明史旬日之間恩賜赫奕所陳請無不允幾與石亨張軌埒又嘗陰薦李賢入內閣而定襄伯郭登故有幾微於上亟疏善使虜功請位之三公獲以身免於是亨吉祥忌之稍

稍間於上漸疏繼而明年善亦卒矣年七十五贈興濟侯諡忠敏

弁州續藁善負才辨以巧取功名明史而儉伎多岸谷其為序班

坐事下獄庶吉士章樸亦坐事下獄與相狎言家有方孝孺集時

方窮治孝孺黨善從借觀而密奏之上遂誅樸而復善官弁州類

于謙王文之戮陳循之竄善亦有力焉子宗襲爵後革奪門功

降金吾指揮使孫增尚公主明史列傳

張敏永清人畿輔唐志宣德八年進士永清擢工部給事中畿輔

七十九年俸滿乞免外補正統十四年陞工部右侍郎敏為人粗

淺居官無建白但循默守職而已天順元年英宗復辟察其非卿

佐才遂令致仕二年卒遣官諭祭永清周志

殷謙字文撫涿州人畿輔唐志正統中進士授戶部主事歷兵部

郎中右通政出知太原府歷遷左布政使召拜右副都御史巡撫

宣府涿州陞戶部尙書進太子少保畿輔唐志七十四時西廠旗校以捕

妖言圖官賞多為鷹書誘愚民而後捕之寃死相屬廷臣莫敢言

分守懷來中官廖禮興妖人趙大獄所收繫甚眾謙等具奏如禮

言獄成命官按之果妄帝始悟向所罪妖言多被誣者乃下詔責

禮等而諭諸法司慎鞫妖言之罪綱目三編十四

周壽昌平人孝肅皇太后之弟父能贈慶雲侯壽嗣職明史列傳憲宗

擢左府督都同知尋封慶雲伯綱目三編十三初禁勳戚請乞莊田壽冒

禁乞通州田六十二頃帝不得已與之明紀十八嘗奉使道呂梁洪多

挾商艘主事謝敬不可壽與閔且劾之敬坐落職十七年進侯孝

宗立壽加太保時壽所賜莊田甚多其在寶坻者已五百頃又欲

得其餘七百餘頃詭言以私財相易部劾其貪求無厭執不許孝

宗竟與之又與建昌侯張延齡爭田兩家奴相毆交章上聞又數

撓鹽法侵公家利有司厭苦之明史列傳帝之為太子也明紀二紀太

后暴薨懼懼不測太后親育之形史拾遺記省視萬方明紀二得

以無恙太后加以恩澤封者甚眾壽嗣慶雲侯形史拾遺記壽弟或封

長甯伯綱目三編十二亦加太保明史列傳壽子璋瑾瓚瑛或子瑋瑑皆授錦

衣衛指揮千百戶形史拾遺記兄弟並為侯伯子弟同日授錦衣衛官

前此未有也武宗汰傳奉官壽子姪八人在汰中壽上章乞留從

之正德四年卒贈宣國公諡恭和子瑛嗣封殖過於父嘉靖中於

河西務設肆邀商貨虐市民虧國課為巡按御史所劾停祿三月

而瑛怙惡如故又為主事翁萬達所劾詔革其廩肆下家人於法

司時已革外戚世爵瑛卒遂不得嗣或太后仲弟也成化時累官

左府都督同知明史列傳奏乞武強武邑民田不及額賦者籍為閒田

命刑部郎中彭韶御史季琮復勘韶等周視徑歸上疏自劾曰真

定田自祖宗時許民墾種即為恒產除租賦以勸力農功臣戚里
家與國咸休豈得與民爭尺寸地臣誠不忍奪小民衣食附益貴
戚請伏奉使無狀罪詔以田歸民明紀二十一年封長甯伯世襲
宏治中明史外戚競營私利或與張鶴齡聚眾相鬪都下震駭九
月乙酉屠瀟借九卿言憲宗皇帝詔勸戚之家不得占據關津陂
澤設肆開廛侵奪民利違者許所在官司執法以聞陛下踐極亦
惟先帝之法是訓是遵而勸戚諸臣不能恪守先詔縱家人列肆
通衢邀截商貨都城內外所在有之觀永樂間榜例王公僕二十
人一品不過十二人今勸戚多者以百數大乖舊制其間多市井
無賴冒名罔利利歸羣小怨叢一身非計之得者邇者長甯伯周
或壽甯侯張鶴齡以瑣忿爭喧傳都邑失戚里之觀瞻損朝廷之
威重伏望綸音戒諭俾各修舊好凡有店肆皆停止更敕都察院

揭榜禁戒擾商賈奪民利者聽巡城巡按御史及所在有司執治
仍考永樂間例裁定勸戚家人不得濫收帝從之明紀二十八年
進太保或求為侯吏部言封爵出自朝廷無請乞者乃止或尋卒
傅子塘孫大經及曾孫世臣降授錦衣衛指揮同知明史而后有
長弟名吉祥者兒時好游游即去其家爾時太后未入宮也久之
不歸至天順中為僧大覺寺好游如故晝游他所夜即宿報國寺
伽藍殿中太后亦忘之報國寺者都城宣武門外小寺也太后夜
夢伽藍神來告妃弟在我殿中宿妃知之乎其夜英宗夢亦如之
醒而相語初不信遣小黃門見吉祥坦腹卧伽藍殿中遂擁以行
入白太后太后時為妃以告帝帝召入大喜具言生平太后泣下
曰弟為僧如何為皇親耶吉祥曰為皇親何如為僧乃遣還寺厚
賜之憲宗嗣位太后為拓報國寺建大慈仁寺居之賜莊田數百

頃形史拾遺記其後周氏衰落而慈仁寺莊田久猶存明史列傳

鄧璋字禮方涿州人成化中進士任推官遷御史歷

副都御史巡撫宣府涿州人正德七年官河南巡撫時劉惠趙鏐連

陷鹿邑上蔡西平遂平舞陽葉縱掠南頓新蔡商水襄城復還駐

西平都督僉事馮禎副總兵時源泰將神周金輔方擊敗惠鏐於

西平璋以為賊不足患朝崇王於汝甯宴飲連日賊招散亡乃復

振綱目三編正德八年璋為南京刑部侍郎綱目三編轉兵部侍郎

奉詔賑濟江南還遷都御史涿州人正德九年璋總制甘肅綱目三編

尋遷戶部尚書涿州人

施純京師人體貌豐偉音吐洪亮詞語莊整班行中可觀成化末

上病舌澀朝臣讀奏答旨多以是字而尤弗便純官鴻臚卿請以

照例二字代之上喜擢為大宗伯時號兩字尚書其內子亦京師

人貌甚端雅一日同諸命婦朝兩宮內廷嬪御色亦鮮麗咸屬目

焉太后命之前問夫人誰氏對曰妾禮部尚書施純妻也太後賜

鈔諦視久之顧左右侍人曰向者東朝選妃何不及此人又顧謂

曰夫人向後不必更入朝也野紀

張禴字汝誠禴弟宏治乙卯舉人已未進士歷任刑部郎中正德

初權宦惡都御史強珍欲籍其家者禴執不可竟得謫戍奪禴俸

半年改查盤御史平谷人吏部尚書張綵性尤漁色聞平陽府知府

張恕霸州人妾美索之不得令禴擬致其罪擬戍恕獻妾始論減綱目

三編擢太僕寺少卿陞僉都御史巡撫大同左遷泗州知州尋陞

陝西潼關副使轉左參政復陞僉都御史巡撫遼東卒於官平谷人

史道字克宏涿州人正德癸酉解元甲戌進士改庶吉士授兵科

給事中涿州人疏論谷大用江彬誤國止太監張佐封爵論救尚書

王瓊等死章數上多見嘉納後以論奏大學士楊廷和下詔獄謫

金縣丞畿輔唐志七十一尋除河南僉事備兵副使累官至僉都御史吏

部推道總督漕運上特詔留用遷大理寺卿兼攝臺事適有以舊

怨街道者劾道會推後期罷未幾詔起道僉都御史涿州吳志巡撫大

同建五堡城廣耕戍歲省漕輓費無算畿輔唐志遷兵部侍郎涿州吳志嘉

靖三十年通鑑輯覽一百九仇鸞驚怯畏寇密遣人持貨幣結諂達義子

托克托使貢馬互市諳達許之投書於宣大總督蘇祐蘇祐以聞

鸞與嚴嵩定議每歲春秋兩市令道領其事涿州吳志道徇諂達請以

粟豆易牛羊給事中何光裕御史龔愷等劾道委靡遷就馬市既

開復請封號今其表意在請乞而道以為謝恩况表文非出賊手

道不去則彼有無厭之求我無必戰之志誤國事不小帝方嚮仇

鸞責光裕等借道論鸞以探朝廷杖光裕愷八明紀三十四道尋進

兵部尚書加太子太保畿輔唐志

趙錦字文卿良鄉人幼而好學蚤著文譽潛心理學正德丁丑進

士授南京戶部主事司揚州鈔關鎔銅為櫃竅而鑰之所入既多

則銷以儲庫人不得而私焉又創水竇於關梁之南小舟可徑出

入得以免稅迄今便之陞署郎中調南京吏部稽勳司郎中入為

兵部武庫司郎中改武選司職方司郎中大同軍變戶部侍郎胡

永年奉命往平之奏錦為佐歸掌職方事凡將領之賢否邊塞之

險平糧儲之充耗皆備訪而默識之有所施行無不允愜大司馬

倚重焉由是趙郎中之名譁于人口繼為大司馬疏言其專復出

為南京戶部河南司郎中陞温州知府山東按察使司副使山西

右叅政浙江按察使擢右僉都御史巡撫延綏贊理軍務道旋丁

艱服闋改大同有忌之者論其不可用冢宰力稱其賢上竟用之

總帥周尙文者老將也不事培克得軍士心而果於自用性多偏

執錦以體國為念不憚屈已與之交歡然遇不可者必盡忠告周

以為怨錦慮且將誤事上疏求退罷歸儉約若寒素嘉靖庚戌再

起用楊維聰趙公墓志銘歷官兵部尙書良鄉佟志兵機政要閱歷有素事至立

決無壅滯者晨興入部日晏方歸不以寒暑少廢司屬敬服軍士

感悅以功廕一子錦衣衛百戶加太子少保墓志銘已未坐仇鸞黨

成邊明紀三十四案墓志銘云公在甘肅大同與仇鸞同事入

龜山之於京其卒年六十有九子二世官世祿良鄉佟志

不幸亦猶是也李偉字世奇灤縣人神宗生母李太后父也明史列傳兒時戲里有

羽士過之驚語人曰偉哉兒他日必大貴父聞而喜遂名之曰偉

嘉靖中偉夢空中五色彩輦旌幢鼓吹導之下寢所通州高志已而生

太后避警攜家入京師居久之太后入裕邸生神宗隆慶改元立

皇太子授偉都督同知再進武清侯明史列傳太后賢明熟典故神宗

推恩外戚多異數太后懷盈滿之懼通州高志能約束其家偉嘗有過

太后召入宮切責之不以父故歇祖宗法以是偉益小心畏慎有

賢聲萬厯二十一年卒贈安國公諡莊簡明史列傳長子文全先授都

督父卒襲武清侯端方持己性儉素卒之日上輟朝賜葬如禮仲

子文貴授都督謙謹守禮以孝弟聞季子文進授御馬監太監亦

恪守禮度文全子銘誠襲伯爵性英敏學問該洽天啟末頌魏忠

賢功德建祠名鴻勛通州高志莊烈帝定逆案銘誠幸獲免久之大學

士薛國觀請勅助戚助軍餉時銘誠已卒子國瑞當嗣爵其庶兄

國臣與爭產明史列傳詭言父貲四十萬臣當得其半今請助國為軍

貲綱目三編帝初不允至是詔借餉如國臣言明史列傳或教國瑞遷

貲無獻拆毀居第陳什器通衢驚之示無所有帝怒奪國瑞爵國

瑞悸死

綱目三編三十八

有司復繫其家國瑞女字嘉定伯周奎孫奎請

於莊烈后后曰但迎女秋毫無所取可也諸戚畹人人自危會皇

五子疾亟李太后憑而言帝懼悉還李氏產明史列傳封國瑞七歲兒

存善為侯

綱目三編三十八

未幾國臣遂以事誅明史列傳

冉興讓固安人

附中志二十一

神宗愛女壽甯公主鄭貴妃所出者選興

讓尚之

野獲編五

選駙馬時顧姓者二人冉姓者一人時正暑熱御前

親選之日兩顧白石大簪極細亮帽髮可以鑑香氣襲人衣服楚

楚而冉衣不求鮮戴圓羅帽兢兢叩拜不敢仰視神宗隔簾向鄭

貴妃指而目之卒選中興讓實重其老成也及完婚數年附中志二十一

偶月夕公主宣駙馬入而管家嬖名梁盈女者方與所耦宦官趙

進朝酣飲不及稟白盈女大怒乘醉扶冉無算驅之令出以公主

勸解并詈及之公主悲忿不欲生次晨奔訴於母妃不知盈女已

先入唐愬增飾諸穢語母妃怒甚拒不許謁冉具疏入朝則昨夕

酣飲宦官已結其黨數十人羣猝冉於內廷衣服破壞血肉狼籍

狂走出長安門其儀從輿馬又先筆散冉蓬跣歸府第正欲再草

疏嚴旨已下詰責甚厲褫其蟒玉送國學省愆三月不獲再奏公

主亦含忍獨還

野獲編五

崇禎時洛陽失守莊烈帝命興讓同太監王

裕民給事中葉高標往慰福世子於河北都城陷興讓死於賊明史

公主

梁邦瑞京師富室子其人病瘵羸甚大璫馮保納其數萬之

賂首揆張江陵力持之慈聖太后亦為所惑萬厯十年野獲編五永甯

公主下嫁邦瑞

明史公主傳

合卺鼻血雙下沾濕袍袂幾不成禮宮監

尚稱喜以為挂紅吉兆甫匝月遂不起公主嫠居數年而歿野獲編五

方從哲字中涵其先德清人隸籍錦衣衛家京師從哲登萬厯十

一年進士授庶吉士屢遷國子祭酒請告家居久不出時頗稱其

恬雅中旨起吏部左侍郎爲給事中李成名所劾求罷不允四十年拜禮部尙書兼東閣大學士與吳道南竝命時道南在籍葉向高爲首輔政事多決於向高向高去國從哲遂獨相請召還舊輔沈鯉不允御史錢春劾其容悅從哲乞罷帝優旨慰留未幾道南至會張差梃擊事起刑部以瘋癲蔽獄王之案鉤得其情從哲偕道南斥之案言謬妄帝納之道南歸從哲復獨相性柔懦不能任大事時政有失亦上疏力言而從哲有內援以名爭而已實將順帝意無所匡正丁巳京察盡斥東林且及林居者齊楚浙三黨鼎立務搏擊清流齊人元詩教從哲門生勢尤張從哲昵羣小而帝怠荒亦益甚四十六年四月大清兵克撫順朝野震驚帝初頗憂懼章奏時下不數月泄泄如故從哲子世鴻殺人巡城御史劾之從哲乞罷不允長星見東南

長二丈廣尺餘十有九日而滅是日京師地震從哲言妖象怪徵層見疊出除臣奉職無狀痛自修省外望陛下大奮乾綱與天下更始朝士雜然笑之帝亦不省御史熊化以時事多艱佐理無效劾從哲乞用災異策免從哲懇求罷堅卧四十餘日閣中虛無人帝慰留再三乃起視事明年二月楊鎬四路出師大敗禮部主事夏嘉遇謂遼事之壞由從哲庇李維翰所致兩疏劾之從哲求罷帝優旨懇留乃復故未幾大清兵連克開原鐵嶺廷臣於文華門拜疏立請批發又候旨思善門皆不報從哲乃叩首仁德門跪俟俞旨帝終不報帝素惡言官前此考選除授者率候命二三年及是候八年從哲請至數十疏竟不下帝自以海宇承平官不必備有意損之及遼左軍興又不欲矯前失行之如舊從哲獨秉國成卒無所匡救又用姚宗文

閱遼東薊經略熊廷弼去遼陽遂失論者謂明之亡神宗實基之而從哲其罪首也四十八年帝崩光宗嗣位得疾時都下紛言中官崔文昇進洩藥帝由此委頓給事中楊漣劾文昇并及從哲刑部主事孫朝肅徐儀世御史鄭宗周竝上書從哲請保護聖體速建儲貳從哲候安因言進藥宜慎帝褒答之甲戌復召諸臣諭冊封事從哲等請速建儲貳帝顧皇長子曰卿等其輔爲堯舜又語及壽宮從哲等以先帝山陵對帝自指曰朕壽宮也諸臣皆泣帝復問有鴻臚官進藥者安在從哲曰鴻臚寺丞李可灼自云仙方臣等未敢信帝命宣可灼至趣和藥進所謂紅丸者也帝服訖稱忠臣者再諸臣出竢宮門外頃之中使傳上體平善日晡可灼出言復進一丸從哲等問狀曰平善如前明日帝崩中外皆恨可灼甚而從哲擬遺旨賚可灼銀幣御史王安舜劾從哲輕薦狂醫又

賞之以自掩從哲擬太子令旨罰可灼俸一年御史鄭宗周劾文昇罪請下法司從哲擬令旨司禮察處及御史郭如楚馮三元焦源溥給事中魏應嘉太常卿曹珖光祿少卿高攀龍主事呂維祺先後上疏言可灼罪不容誅從哲庇之國法安在而給事中惠世揚直糾從哲十罪三可殺言從哲獨相七年妨賢病國罪一驕蹇無禮失誤哭臨罪二梃擊青宮庇護奸黨罪三恣行胸臆破壞絲綸罪四縱子殺人蔑視憲典罪五阻抑言官蔽壅耳目罪六陷城失律寬議撫臣罪七馬上催戰覆沒全師罪八徇私罔上鼎鉉貽羞罪九代營權稅蠹國殃民罪十貴妃求封后舉朝力爭從哲依違兩可當誅者一李選侍乃鄭氏私人抗凌聖母飲恨而沒從哲受劉遜李進忠所盜美珠欲封選侍爲貴妃又聽其久據乾清當誅者二崔文昇用洩藥傷損先帝諸臣論之從哲擬脫罪李可灼

進劫藥從哲擬賞賚當誅者三疏入責世揚輕詆從哲累求去皆
慰留已而張潑袁化中王允成等連劾之皆不聽其冬給事中程
註復劾之從哲力求去疏六上乃歸天啟二年四月禮部尙書孫
慎行追論可灼進紅丸斥從哲爲弒逆從哲疏辨自請削官階投
四裔帝慰諭之時大學士曠述進藥始末爲從哲解於是吏部尙
書張問達會戶部尙書張應蛟合奏言進藥始末臣等共聞見輔
臣視皇考疾急迫倉皇弒逆二字何忍言但可灼非醫官且非知
脈知醫者以藥嘗試先帝龍馭卽上昇從哲與臣等九卿未能止
均有罪乃反賚可灼及御史姜舜有言令養病去罰太輕何以慰
皇考服中外宜如從哲請削其官階爲法任咎至可灼罪不可勝
誅而文昇當皇考哀感傷寒時進大黃涼藥罪又在可灼上法皆
宜顯僂以洩公憤議上可灼遣戍謫文昇於南京而從哲不罪無

何慎行引疾去五年魏忠賢輯梃擊紅丸移宮三事爲三朝要典
以傾正人遂免可灼戍命文昇督漕運其黨徐大化請起從哲從
哲不出然一時請誅從哲者貶殺略盡矣崇禎元年二月從哲卒

贈太傅諡文端

明史列傳

馮三元三河人萬厯末年官御史泰昌元年

綱目三編三十一

帝有疾服

李可灼紅丸而崩中外皆恨可灼甚而方從哲擬遺旨賚可灼銀

幣

明史方從哲傳

三元與御史郭如楚等

綱目三編三十一

先後上疏言可灼罪

不容誅從哲庇之國法安在

方從哲傳

又劾遼東經略熊廷弼無謀者

八欺君者三

綱目三編三十一

謂不罷遼必不保

明史熊廷弼傳

廷弼主守禦益

堅

明紀四十九

給事中姚宗文向與廷弼同在言路意氣相得後以廷

弼不薦己已怨及出閱邊廷弼以其書生貌之比宗文還疏陳遼
土日蹙詆廷弼廢羣策而雄獨智復鼓其同類攻擊必欲去之廷

弼憤抗疏極辨且求罷而御史張修德明史熊廷弼傳給事中魏應嘉先

後劾廷弼破壞遼疆通鑑輯覽二百五十九廷弼益憤再疏自明三元應嘉

修德等復連章極論廷弼即請三人勘帝從之御史吳應奇給事

中楊漣等力言不可乃改命兵科給事中朱童蒙往童蒙還奏備

陳廷弼功狀帝以廷弼力保危城仍議起用天啟元年明史熊廷弼傳

陽遼陽繼失通鑑輯覽一百十三河西軍民盡奔自塔山至閭陽二百餘里

煙火斷絕京師大震明史熊廷弼傳劉一燝曰使廷弼在當不至此帝乃

貶三元而召廷弼於家通鑑輯覽一百十三

張維號範吾霸州人嘉靖三十八年選入隸秉筆高忠名下幼博

學好書萬厯初陞乾清宮管事提督內忠勇營掌兵役局印秉筆

孫德秀張鯨諸人頗妬其才然維處之泰然神宗甚眷注之慈聖

太后造有元帝金像特差維齋往湖廣武當山供安維善詩能文

且精於琴畫往返廉靜驛遞德之凡詩賦翰牘人咸寶惜萬厯十

六年九月駕幸山陵閱壽宮回維股為車轢傷連章求退不允著

於思善門外直房調治未瘳始准私家調理遂益衰法書秘籍書

不釋手夜自篝燈咿唔少倦仍默看至丙夜方寢雞甫鳴則復興

矣晚年兩目盲尚能寫行草聞有新書必買來令左右念聽者數

年至萬厯四十一年夏卒年八十著有皇華集歸來篇莫金山人

集蒼雪齋集等書酌中志略三十五孫隆三河人萬厯中蘇杭等處提督

織造乾清宮近侍司禮監管監事太監宋詹事沈樞撰通鑑總類

二十卷分二百七十二門隆在朝嘗以是書進御神宗欲鏤之尙

方不果及出督織造乃鏤之吳中云潛研堂集二十八金忠字敏恕固安

人萬厯六年選入厯陞文書房太監博學能書善琴自稱迂拙子

守備鳳陽時曾著御世仁風一書刻之酌中志二十八

李壽京都人西涯苗裔也嘉靖四十一年選入厯陞司禮監監官
萬曆三十一年選福王妃時鄭貴妃引潞王例欲選三人而擇之
太監陳矩時總理婚典壽執往事爭曰潞王先選一位未中復選
二位雖三人其實二也如何敢比陳矩甚服其亮而密薦之後陞
隨堂而終神宗悼惜之酌中志略二十一

國朝

馬光遠順天大興人明建昌叅將

本朝天聰四年大兵克永平光遠率所部投誠授副都統隸漢軍
廂黃旗七年授一等子爵崇德二年授都統轄漢軍右翼三年我
軍攻錦州城旁一臺敵兵拒守光遠率叅領郎紹貞等圍之光遠
以離汛地敵乘間遁及覺又不追擊有旨詰問光遠復以我兵不能抵敵致辯部議應革世職解任治罪

從寬罰鍰是年從

上攻松山未克歸旋追論攻松山時光遠等詭言礮子已盡今猶
剩回玩誤軍機疲敝士馬法不容貸

詔集漢官於篤恭殿大學士范文程等宣諭數光遠等罪令在家
閑居住光遠所轄叅將李士昌鑄礮子鎔鍊未淨不堪用下所司
鞫訊復得光遠徇庇狀論死罰贖

上念其罪由無知特加寬宥六月起光遠爲都統轄漢軍兩黃旗
順治四年以老病乞休從之康熙二年卒

賜祭葬如例諡誠順從子思文襲爵貳臣傳

馮銓涿州人萬曆四十一年進士改庶吉士授檢討貳臣傳面玉唇

朱貌若好女性好潔行五步卽欲隨從彈足塵故僕役無小大咸
袖靴刷供應其父馮盛明曾以貌與駙馬選而遺得以陪駙馬生

員應試中萬厯己丑進士任山東副使屠玉叢談三集河南左布政使初

被劾歸銓亦回籍天啟四年魏忠賢進香涿州銓進謁道左泣訴

父為東林黨陷害忠賢憐之起故官游陞少詹事充講官副都御

史五年八月擢禮部侍郎兼東閣大學士入贊機務貳臣傳輔臣缺

詔推老成幹濟者禮部尚書周如磐以年老推用侍郎黃立極與

魏忠賢同鄉故援之熊廷弼之獄銓謀居多侍講筵出市刊遼東

傳譖于帝曰此廷弼所作希脫罪耳帝大怒于是廷弼死遂決銓

資淺年未及四十忠賢黨李魯生言成即為老而非老乎年幹乃

稱濟而即有濟于國銓遂柄用通鑑輯覽九月晉禮部尚書六年

充三朝要典總裁官四月晉少保兼太子太保戶部尚書武英殿

大學士時太監涂文輔為忠賢腹心人為之語曰內有涂文輔外

有馮振鷺振鷺者銓字也貳臣傳銓以媚事魏忠賢登宰輔素與崔

呈秀通鑑輯覽要典成榜東林黨人姓名示天下而於崔呈秀

無美辭忠賢心銜之會呈秀亦與銓交惡貳臣傳呈秀欲入閣通鑑

一百其黨孫杰霍維華嗾職方郎中吳涪夫上疏力攻之御史盧

承欽復劾銓納賄居間數事遂罷職崇禎初忠賢伏罪給事中李

過知於贓罰庫得銓罷官後為忠賢上壽詩百韻劾銓與忠賢交

結狀論徒贖為民

本朝順治元年四月睿親王定京師以書徵銓聞命即至優予冠

服令以大學士原銜入內院佐理機務遂與大學士洪承疇請復

明初內閣票擬舊例二年三月定部院官制授宏文院大學士兼

禮部尚書貳臣傳先是給事中許作梅莊憲祖杜立德御史王守禮

桑芸李森先羅國士鄧應槐吳達等交章劾銓原係故明閣宦魏

忠賢黨羽其子源淮進賄于禮部侍郎孫之獬遂為伊標中軍請

將馮銓父子肆諸市朝東華錄五睿親王因論明季諸臣黨害無辜以致明亡今科道各官仍蹈陋習申戒之寢其事三年四年兩充會試考官六年充

太宗文皇帝實錄總裁官加少傅兼太子太保八年閏三月諭曰馮銓先經御史吳達疏叅便當引去乃隱忍居官七年以來毫無建明著致仕去十年三月

諭吏部曰朕思馮銓原無顯過且博洽典故諳練政事朕方求賢圖治特詔用以觀自新諭到之日即速赴京銓既至召對內院仍授宏文院大學士十二年四月諭獎銓翼襄政務稱厥委任加少師兼太子太師十三年

諭曰大學士馮銓齒長力衰難勝繁劇其加太保兼太子太師秘書院大學士禮部尚書致仕銓疏請回籍允之十六年二月詔

仍以原銜兼中和殿大學士康熙十一年十一月卒

賜祭葬如例諡文敏乾隆中削源淮由侍衛官至總兵貳臣傳源濟

自有傳

孫承澤字北海大興人明崇禎四年進士官至刑科都給事中福

王時以承澤曾附流賊李自成貳臣傳偽職順慶防禦使甲申傳定

入從賊案

本朝順治元年五月起授吏科都給事中十一月遷太常寺少卿提督四譯館事二年四月遷通政使司左通政八月遷太常寺卿四年遷大理寺卿五年擢兵部右侍郎八月調吏部九年四月都察院疏糾承澤兩耳失聰請勅革退因解侍郎任五月上以承澤無罪

命如舊供職八月轉左侍郎兩遇

恩詔加太子太保都察院左都御史銜十年二月疏薦大學士陳名夏分理吏部尚書事

上覽奏謂閣臣曰朕見承澤此奏洞其隱微代為含愧彼意允其所請而用名夏則於彼有利否則又將使朕猜疑名夏也因以侍郎推舉閣臣有乖大體責令回奏承澤戰慄引罪自陳愚昧乞宥乃釋之先是正月承澤引疾乞休

上以其年力未衰不許三月再請乃許承澤既歸貳臣傳築退谷於

西山耄而好學畿輔唐志七十九讀書日有程課著述滿家池北偶談十五於史

事多所論述而有明一代典故尤瞭如指掌畿輔唐志七十九嘗與王士

禎言讀書當通經因言元人經學非後人所及蓋元時天下有書

院百二十各以山長主之教子弟以通經學經學既明然後得入

國學即如吳淵穎程普德輩其集人多不知明初人猶多經學皆

元遺逸且言生平學問以朱子為宗池北偶談十五所著五經翼考正朱

子晚年定論諸書皆有功於正學至於精博古鑒一時圖書之富

比之宋田氏云畿輔唐志康熙十五年卒

賜祭葬如例貳臣傳

劉餘祐字五孺宛平人畿輔詩傳七明萬曆四十四年進士歷知嘉興

登封河內三縣行取遷刑部郎中出知平陽府累遷河南布政使

應天府尹兵部侍郎福王時以餘祐曾降附流賊李自成定入從

賊案

本朝順治元年睿親王定京師餘祐投誠授原官六年加太子太

保七年初設六部漢尚書擢餘祐兵部尚書八年閏二月擢刑部

晉少保十月調戶部先是餘祐任刑部時興安鎮總兵任珍以疑

擅殺妻妾懼罪行賄已而事覺十年二月法司勘問得實餘祐革

職杖徒永不敘用尋死

貳臣傳

著有燕香齋集八卷

四庫全書總目一百八十

華陽吳祖椿校

[Faint bleed-through text from the reverse side of the page, including characters like '職杖徒永不敘用尋死' and '貳臣傳']

